



小批諭旨

田文鏡奏摺七



硃批田文鏡奏摺

卷之八十一



雍正七年十一月十六日河東總督臣田文鏡謹

奏為恭報得雪日期仰祈

睿鑒事雍正七年十一月十五日據臣齋摺家人回豫

稟稱

奏事轉傳

上諭山東地方得過雪了聞有五六寸京城得雪也有

五六寸保定府一帶得雪有一二寸你回去說河南

一得了雪即寫摺子奏來欽此仰見我

皇上履念民瘼各省之

聖懷今豫省於十一月十四日早天試微雪及至十五
一日子時大雪普降至十六日子時方止其十五日
五午時以前所落之雪隨下隨融俱已浸潤入地午
時以後之雪始得存積至十六日子時已厚五寸
有餘合計融過之雪共得雪八九寸是日彤雲密
布雪勢甚遠兼以無風所積之雪不至吹散滲沃
土膏均霑透足臣於十五十六兩日每早遣人四
出踏看城鄉百姓共稱瑞雪應時咸皆以手加額
歡呼欣幸在我民十六日臣聞東蘇州田文鏡
皇上深宮垂念方眷注於豫省之人民一誠格

天卽兆錫豐年之景象

諭旨方傳瑞雪普降

聖天子存神感召徵應之速一至於此臣惟有與豫省

官弁兵民共頌

皇仁高厚仰祝

萬壽無疆而已竝據開封府屬各縣報到得雪尺寸俱

各相同其餘各府州縣俟其報到容臣另摺奏

聞所有得雪日期理合具摺

奏報仰慰

聖懷爲此謹

殊批諭旨

七

田文鏡

聖奏為

從前雪雨雖微再得此番接續諒應透足矣若果通省均霑朕懷欣慰何似

同日又

萬奏為欽奉

上諭事竊照發遣廣西人犯達色馬守柱蔡登科耿桑格六格太監吳守義霍成心懷怨望捏造悖逆之

聖天言沿途布散一案前奉

諭旨令臣明白開導解送人員將所聞伊等捏造悖逆之語一一據實說出臣即欽遵

聖諭訊明解役弁兵所聞悖逆之言於雍正七年九月

二十二日經臣恭摺奏

聞續據確山遂平西平臨潁等縣汝寧襄城二營據兵

奏役將所聞達色等悖逆之語一一說出解臣親訊

奏臣復再四開導密加詰訊據供所聞悖逆之言大

天離概與臣前摺所訊兵役之供相同并據供稱這些悖逆的話小的們實說不出口等語夫以兵役之

聖地微尚知尊心之請衷其然大知是事且屬問之不

君親

上深明大義以語涉誣妄不敢肆口直言而達色等受

殊批諭旨

七

三

田文鏡

天造言誣

國厚恩乃敢悖理逆

聖此等病狂喪心之語更甚於犬吠狼嗥臣訊問之下

不勝切齒痛心何敢屢形紙筆再瀆

天聽理合據實覆

奏爲此謹

奏

提解各犯到京一一詰訊俱已供認更有夢想所不到
奇怪可笑誣捏誹謗之語朕皆逐條分析特降諭旨通
行直省一體曉示料卿所聞悖逆情詞大抵不出各犯

在京所吐之供可謂至矣盡矣而無以復加矣錄來亦
不過付之閱覽耳

同日又

奏爲欽奉

聖訓據實覆

奏事雍正七年十一月十五日臣齎摺家人回豫捧

皇上硃批諭旨臣敬啓跪讀於臣覆奏摺內高家堰石

料工一條欽奉

硃批前因覽卿之奏朕意決定無疑業經降旨遣差京

硃批諭旨

七

四

田文鏡

官四員飭發庫帑百萬命往堅築高家堰堤工矣若
待孔毓珣奏到然後施行恐誤今冬辦料大凡善政
皇須貴勇爲既知當爲矣又復逡巡無怪事功難就所
以古人每有後時之戒此番速舉似於河防大有裨
益也欽此臣捧誦之下仰見我
皇上聖謨宏遠此舉利益萬世永慶安瀾竝恭繹大凡
善政須貴勇爲之

訓益見我

皇上至聖至明但有利於國計民生之處不惜浩費不
緩須臾總由

天心默運斷以

乾剛合之千古大聖人出其聰明才智立德立功以與
天地同其悠久者先後誠若一揆也又於臣覆奏

皇上費金吾一條欽奉

硃批自必訓誨但肯遵從與否要觀伊之福量何如耳

若果爲福量所限卽費金吾自欲勉強亦恐不能然

亦斷不能逃朕之覺照也欽此仰見我
皇上愛育臣工生成造就不憚

訓誨諄諄費金吾倘稍有欺飾之心

皇上日月之明無微不燭自不能逃於

鑒臨之下也又於臣敬覆

皇上燈下所批之

諭旨復欽奉

硃批因燈燭之下字畫潦草恐卿慮及朕之精神不到

故有前諭非欲示朕之精勤也欽此臣跪讀之下聲

和淚俱墮我

皇上日總萬幾燈下猶自披閱不輟乃以

御書字畫恐臣仰念

聖躬此非深鑒臣心犬馬戀

主之微何能

垂注至此也但臣素知

皇上乾行日健福履時綏惟是

宵衣旰食之餘猶不肯少自暇逸雖純一無間為圖

九重不自覺其勞而微臣瞻仰之餘誠不能不彌深其

聞政欽誦也又奉

硃批黽勉不倦固屬美行雖然卿年齒已高諸凡當量

力而為不可勉強勿將精神浪費於瑣屑處此非自

聖圖暇逸乃為國家愛惜精力多延歲月庶可布化宣

猷以無負朕康濟蒼生之意也欽此臣益感激無措

皇上不知所言伏念臣至愚至陋仰蒙

皇上昇以兩省重任寸心圖報無刻可安惟有竭蹶

勉以副

聖明眷顧之隆昨因武闈之後重冒風寒業經調治痊

可臣恐有塵

聖念是以繕摺奏

當於溫暖室中安居靜攝加意調養須待平復如初方

聞近日精神已復惟氣體稍弱現在小心調護茲讀

可出戶行動即遇元旦朝賀之期亦不必勉強從事敬

皇上聖諭顧復懇至雖為

君盡禮不在叩拜儀文上論定但遵旨行縱令無知之

君父之誨臣實逾慈母之愛子嗣後之精神皆為圖報

輩妄生訾議有朕為卿作主也何妨

聖恩之精神嗣後之歲月皆為圖報

聖恩之歲月臣敢不謹稟

聖訓量力自愛以期無負

聖主撫育之鴻慈也所有奉到原摺理合恭繳謹

奏

覽

目前所保縣令昨到京引見朕於三員中觀程秉禮人

甚明白氣度從容雖未見可大用處儘堪勝府道之任

將來尚望其長進張鏐張瀚殊屬平庸不過謹守繩墨

牧令之才耳未必克勝表率之職朕係一時鑒別偶爾

評論固非卿明試以功之可比無如舉止應對之間局

量顯然易見卿再留心驗視自當洞悉不然前濟南之

缺卽於此二員內簡用一員矣

雍正七年十一月二十七日河東總督臣田文鏡

謹

奏爲續報豫省各屬得雪分寸竝東省得雪日期仰

祈

睿鑒事臣查雍正七年十一月十五日開封府竝所屬各縣得雪霑足業經恭摺奏

聞茲據通省各府州縣陸續報到於十一月十五日普
聖主沾瑞雪各得五六七八寸不等四野沾濡麥根深
望晴固又於十一月十九二十及二十一二十二二十

聞三等日各屬復有得雪二三寸四五寸不等者豫
天燠省之雪今已均被霑足理合繕摺續奏
恭奏仰慰
聖懷又據東省各屬具報亦於十一月十五日各得雪
聖主四五寸及二三寸不等理合一併奏

聞伏乞
睿鑒謹

奏

應時之雪兩省均被朕懷深慰不復爲河東墜念矣

奏同日來

殊批諭旨

七

八

田文鏡

奏爲欽奉

聖訓據實覆

奏事雍正七年十一月二十五日臣齋摺家人回豫

齊捧到

皇上硃批諭旨臣敬啓跪讀於臣奏明感冒風寒未及

率班

朝賀摺內欽奉

硃批卿年已高邁理應如是節慎向後諸凡處不宜強
動審擇輕重量力而爲庶不有負朕意愛惜精神爲
國家久遠報效方爲克盡臣職也欽此臣以犬馬之

聖訓微重蒙

天恩參養自顧駑駘不堪驅策惟報

主微誠根於天性雖筋骨就衰而血誠彌篤敢不祇遵

聖訓努力自愛以副

聖主保護無已之

深恩以伸微臣無窮之至願耶又奉

硃批至平復如初時奏朕知之此種寒證若愈後調理

得法併夙疾俱可望霍然頓除設或攝養失宜亦大

爲將來之累極加慎重可也陳世倅雖云諳於醫藥

恐其臨證日少仍選擇良醫須平昔熟識者一二入

與之參酌方劑爲妥酬酢事務切戒勉力支持以致
耗損精氣縱至稍有遲悞何傷乎卿其遵旨毋違欽
此仰見我

皇上慈懷周摯至論精微臣伏讀之下能不感激涕零
竊臣之病今已全愈惟元氣尚未全復現在加謹
調攝進服補劑蒙我

皇上恩賞內府人參功效更倍不日之間即可調理如
初今新愈之後飲食更覺甘美但不敢過於饜足
至於陳世倅臨證原少誠如

聖明洞鑒但其醫理確有根據而於傷寒一門尤爲辨

別精細所治雖無多人然每有診視無不應手霍

然臣初起病時據云六脈浮沉皆帶洪數實因感

冒之中又加感冒熱邪爲風寒所鬱由淺入深遂

自少陽直達陽明胃經所以用小柴胡湯合甘露

飲重加生地黃連以守陰兼用知母黃柏以治胃

自曹依方服之半月有餘脈靜身涼諸證悉平近則與

之參酌補劑服亦相安竝有向日所知之江南醫

聖備者一人共爲商酌總之臣身至微更在病後風寒

君恩至重臣亦不敢以犬馬圖報之軀而輕付於碌碌

欣悅覽焉
皇上庸醫之手有負我兩省事

皇上眷顧之隆也至於兩省事務臣雖不敢過於勉強
然儘可照常次第辦理但因新愈之後又蒙
聖諭諄切令加謹慎臣益當小心調護現在謹避風寒
不敢卽出堂審事所有豫省應審事件臣謹遵
旨暫緩但山東解到叅案數件隔省路遠不便令其守
候臣暫委河南按察司陳世倬就近代臣審取確
供臣仍加覆核斟酌具
如此從權方好切勿勉強從事近日頒有通行恩旨卿
題相應
其遵奉行乞
奏明伏乞

聖鑒又於臣奏明公元不勝山東臬司摺內欽奉

諭旨朕原料公元不勝臬司之任所奏嘉悅覽之就此
三員而論惟唐綏祖最佳候另有諭旨孫蘭芬性過
於急不宜執掌刑憲朱藻遷轉似覺少驟且河北現
屬要任再令供職數年然後陞擢亦不爲遲今或調
用鹽道猶可卿其斟酌宜否援旨具奏欽此仰見
皇上至聖至明無遠不照唐綏祖補授按察司實足勝

任孫蘭芬性原過急而近年以來亦漸次和平朱
藻遷轉少驟河北要地亦不可乏此幹員至於鹽
道一缺裕課恤商禁私剔弊尤關緊要兼之山東
登萊青三府所屬蓬萊等一十六州縣俱係濱海

地方民竈雜處地多鹹鹵以鹽爲業各州縣從無
商人賣鹽銷引雖有商民報部而其辦納鹽課有
向在地丁攤徵者有民竈均辦民攤地丁竈按戶
口者有貧民小販領票賣鹽辦課者各有不同相
沿已久且通省鹽法向來積弊多端自上年奉
旨清查而諸弊顯露須得歷練老成識見明敏之員任
以運使協助鹽臣整飭俾之裕課便民臣查登州
府知府楊弘俊才幹練達人亦端方謹飭莅任登
郡將及三載所屬八縣均有民竈雜處其於行鹽
辦課事宜亦能周悉情形以之補授山東鹽道洵

屬人地相宜容俟部咨到日臣謹遵
旨繕疏題請恭候

聖裁合先奏明伏乞
睿鑒謹

奏

山東鹽道員缺已有旨命卿題補矣部文到日指名奏
請可也

同日又

奏爲奏明事竊臣於去歲奉

命節制山東凡關吏治民生無不加意整飭而地方營

伍臣又時刻繫心蓋東省武弁鬪茸成習兵丁偷
惰相安是以臣諄諄誠諭務期杜虛冒嚴剋扣勤
加操練不許滋事擾民再東省各營器械多不如
式旗幟多有朽舊盔甲鑼鍋帳房等項率多鏽缺
不全臣於去歲赴東身歷各營親自查看其所不
及身歷之處委官分查明確當卽檄行兗登兩鎮
飭令添補修理查議造冊去後至次年三月內始
據兗州鎮臣岳含奇將所屬十四營路添造帳房
器械等物數目清冊咨呈前來臣查所送冊內竝
不將現存原物分別堪用不堪用酌量修補但據

各營混造槩稱另製恣意繁費殊不妥協隨經逐
一指駁行令悉心確議據實另造呈送嗣因逾久
不覆又經疊次檄催延至十一月十五日始將清
冊送到竝據該鎮稟稱本職所屬十四營路凡應
添應造之軍需事宜已於今年正月內
奏明欽奉

硃批諭旨諸事與督臣田文鏡悉心商酌若能聽伊指
示實力奉行自然得其是當勉力爲之欽此今將清
冊冊呈奪等情到臣臣捧讀
諭旨不勝悚異查各營軍需臣於去歲檄行修理今年

備旨正月該鎮又自行奏請奉有
硃批理應欽遵實力奉行並即與臣知會以便遵

旨商酌加謹辦理早爲奏

聞何竟任意延擱遲至經年之久始將
硃批錄送到臣而且稟內又稱前奉飭查造冊業經核
減畫一因赴省監射以故遲遲等語查臣於三月
內將冊駁回另造該鎮於十月內赴省監射武場
中間相距共計七箇月有餘豈有一冊不能更造
妥確而尚借監射之事以飾其遲延之咎不但見
其居心之欺詐而更見其掩匿之愚庸況所送到

之冊尚未核減安定容臣確酌畫一統與登鎮之
冊一併再爲

奏明臣又查去歲覆奏請

訓摺內欽奉

硃批岳含奇亦經調用山左不過庸常之器員行代未
命臣更加試看欽此仰見

聖明洞照絲毫不爽臣訪得今年四月內該鎮中營撥
兵劉得勝王弘志等強賃生員尚弘賓之房居住
又該鎮所轄泰安營兵丁姚四馬守業等於本年
閏七月內強拉民婦袁氏飲酒袁氏不允即行兇

毆撕衣又該鎮衙門官頭周道生各汛駐防千把
皆趨奉之每將娼婦扮作良婦用車拉載送與道
生嫖宿又該鎮管廚家人周佐亦時常出外與水
聖門夫董玉之妻姦宿該鎮均無覺察又該鎮所屬弁
兵臣去歲在東考驗技藝多屬平常經臣勒限三
箇月務令學習嫻熟而今年每次送考員弁仍未
隨聞見其優嫺昨據保送千總張文煜年滿赴部經臣
考驗弓馬不堪當卽駁回註冊現准部覆在案夫
考驗之兵丁皆其挑選精嫺者然後呈送而現任
來考之千把又係管兵教習之人所有技藝均屬

如此則營中之兵丁不能訓練精熟已可槩見
查整飭營伍寧謐地方乃鎮臣之首務岳含奇分
應感激

天恩加意奮勉俾營伍日有起色方不忝於職守今臣
見其所轄兵丁時復生事家人官頭亦無約束而
弁員技藝不能督率精嫺乃至欽奉

諭旨之事亦且任意疎忽耽延臣事事不敢欺瞞
聖明兼以欽奉

諭旨命臣試看理合繕摺一一據實奏
聞伏乞

睿鑒謹

岳含奇原屬庸材前諭甚明況又目不識丁但念係岳
鍾琪之姪其方寸中未必即忍負朕卿其再加訓誠驗
視聞各鎮皆係本標中軍主持事務或將其中軍員缺
選補一妥協幹練之人俾令匡救其失更命岳濬留心
幫助以觀後效

雍正七年十二月初八日河東總督臣田文鏡謹

奏為恭謝

天恩事雍正七年十二月初七日臣齋摺家人回豫恭

康熙二十年前
皇上賜臣微紅京米二斗火腿六隻鴨子四隻野雞十
隻幸豐澤園於稻田中偶見一穗與眾稻迥異
特命記取大年春選擇膏壤佈種方得此米是乃
天所賜之奇穀嗣後

旨此米熬粥甚好最易剋化汝主初當病愈以此米做
粥食之相宜并賜汝主火腿鴨子野雞等物欽此
敢輕以畀人相宜故外邊罕見即朕當日藩邸亦不能得
此種也若以豇豆水淪煮其色更紅其味更厚卿如喜
關叩頭謝
恩祇領訖竊臣仰邀

聖眷頻蒙無日更業拜

殊批諭旨

七

夫

田文鏡

願賜有加無已復蒙我

皇上念臣痊愈方新

特賞御米做粥香滑津潤容易尅化而

天厨珍品下逮微臣何人斯一飲一啄之微俱在

聖慈垂注之中曲體周至百感難鳴臣惟有竭盡駑駘

言此以圖仰報

天恩於萬一耳所有感激微悃理合具摺

奏謝伏乞

睿鑒爲此謹

奏

覽卿奏謝知道了

同日又

奏爲欽奉

聖訓據實覆奏事雍正七年十二月初七日臣齋摺家

次回豫捧到荷

皇上硃批諭旨臣敬啓跪讀於臣覆奏摺內欽奉未諭

硃批當於溫暖室中安居靜攝加意調養須待平復如

皇初方可出戶行動卽遇元旦朝賀之期亦不必勉強

聖從事敬君盡禮不在叩拜儀文上論定但遵旨行縱

令無知之輩妄生訾議有朕爲卿作主也何妨欽此

命亟跪讀輩文主書蕭百烈...
聖諭仰見我盡誠不吝即我...
皇上無時無事不為唯慮及深遠...
天恩高厚感激涕零但臣自十一月下旬以後神氣如...
皇上常身體漸旺飲食亦復如舊惟足力少軟尚未能...
步履往來今荷

聖慈垂念預飭元旦叩賀亦令不必勉強臣屆期自量...
奏可以行禮臣當親詣公所率班颺拜倘或趨蹌未...
逮臣即恪遵

諭旨不敢強自支持謹於臣署恭設香案望

闕叩頭以伸犬馬微誠總之人臣事奉隆恩斷匪合恭...
君惟在矢誠曰信浮言妄議上有

聖明臣不敢沾沾顧慮負...
覽奏欣慰特為卿有通飭諭旨頒發直省矣...
皇上眷注之隆也又欽奉

硃批日前所保縣令昨到京引見朕於三員中觀程秉...
禮人甚明白氣度從容雖未見可大用處儘堪勝府...
道之任將來尚望其長進張鏐張瀚殊屬平庸不過...
星謹守繩墨牧令之才耳未必克勝表率之職朕係平...
時鑒別偶爾評論固非卿明試以功之可比無如舉...
止應對之間局量顯然易見卿再留心驗視自當洞

悉不然前濟南之缺卽於此二員內簡用一員矣欽
此仰見
皇上甄別精明毫髮不爽程秉禮辦事明白人亦和平
恬靜氣度安閑將來洵有長進今蒙
特授河南府知府實勝表率之任張鏐才非卓越但居
官謹飭辦事勤慎且能力行保甲具見實心張瀚
則才情頗有辦事亦勤惟氣象粗浮有欠沉重在
州縣之中均堪稱爲優卓而於表率之任局量未
稱仰蒙

聖諭指示臣當留心再爲驗視所有奉到原摺理合恭

繳伏乞

睿鑒謹

奏

人實難知遷改尤難限量亦不可因朕一時之甄別遂
永奉爲衡鑑也

奏爲遵

旨編輯訓示初任規條恭呈

御覽仰請

睿裁事雍正七年閏七月二十九日詎欽奉

殊批諭旨

七

五

田文鏡

殊筆諭旨朕於卽位之二年冬間念及州縣各官比皆
初任諸多未諳或偶因才力心思一時不到致被叅
黜人材殊屬可惜特命朱軾沈近思二人追憶向日
已所閱歷如塾師訓蒙一般指示莅事臨民法則綴
緝成書以爲新進楷模續因朱軾丁憂而又久病且
筆下亦甚艱澁沈近思復經物故所以蹉跎至今未
就昨李衛來京陛見言及此事伊奏稱曾有訓誡屬
員一冊隨進呈朕覽披閱之下尚覺不甚愜意況亦
非開導初任語句卿歷外任多年甚諳練吏治可於
政務之暇悉心著作一部差人齎進朕彙集各處所

擬於中採擇裁定然後降旨刊布大抵不過如何交
盤如何催科如何驗傷如何靖盜以及查詰吏胥姦
餘欺等類耳欽此仰見我
皇上加意人才弘施造就留心吏治曷啓愚蒙本惟精
惟一之心傳立作君作師之治統洵足以超越千
聖意古帝王甚
命盛舉也惟是
齋州縣數歷中外忝竊封疆是皆仰蒙我

聖祖仁皇帝豢養於前我

皇上超擢訓誨於後虛糜廩祿逾四十餘年所謂夙夜

皇上匪懈靖共爾位者臣實未敢有以自信蓋心雖黽
勉而才有未逮事雖更歷而識則未精今蒙

諭旨下頒命以著作以備採擇庸庸鄙闇何克仰承自繇
聖意但臣莅豫七載舉凡施政用人一切見諸行事者

無非祇凜

皇上之訓誨以爲遵循竊取
綸言之緒餘以飭官吏謹將臣平時告誡屬員中擇其
事宜切近於初任州縣者共計編輯三十條畧加
點定以成章句蓋以欽遵

上諭訓蒙之意俾新進者先識其端而已深慙固陋未
有發明無以上副

聖天子誘掖整飭之盛心好問察言之至意旦夕惴惴
不勝悚慄敬繕一冊恭呈

御覽是否有當伏候
睿裁所有奉到

硃筆諭旨并浙江督臣李衛訓誡屬員一冊相應一併

呈請 恭繳爲此謹

奏

冊留中候詳覽有旨

硃批諭旨

七

三

田文鏡

同日又

奏爲東省修建倉廩恭請

聖訓遵行事竊查積貯所以儲

國用倉廩原以資蓋藏仰蒙我

皇上聖明洞照

特頒上諭凡各省未有倉廩之州縣著詳細查明商酌

卽行建造其建倉之費或動正項錢糧或支給存公

銀兩酌量本地情形悉心定議具奏欽此臣查豫省

倉廩數年以來經臣

奏明動用公項修建在案惟山東倉廩向因該省各

項穀石有存價未買者有應追民欠者有虧空在
官者有撥借未還者實在存貯無多所以各屬倉
廩並不詳請修建而存貯之穀或借國民房或寄
頓寺廟甚至天堆露積漠不關心因循相沿洵非

憶卿奏朕曾有減貯之議何得尚存二百餘萬之多
一日茲行據山東布政使費金吾詳稱東省應貯
倉穀通共三百三十一萬七千七百八十一石零

各屬舊有倉廩四千一百七十五間又應行修理
之舊倉五百五十二間又入官房屋堪改倉廩二
十四間又各員墊銀新建倉廩二百四十三間又
糧道修理德常二倉六十二間以上各倉並官房

改廩每間貯穀多寡不等共堪貯穀二百三萬五千六百二十九石零尚餘穀一百二十八萬二千一百五十二石零照河南建倉每間貯穀五百石為率應添建倉廩二千五百七十二間但此倉廩止貯現存穀石一遇盤查交代未免翻騰露積亦應照河南酌建餘倉凡貯穀四萬石以上者建餘倉三間三萬石以上者建餘倉二間一二萬石者建餘倉一間計通省應建餘倉一百四十六間其建正倉餘倉每間酌給工料銀十五兩其應修倉廩照建倉工料酌量減半給銀七兩五錢入官房

酌估

之價母乃太減乎恐不敷用

屋改作倉廩又可減省大半每官房一間給修改銀三兩至各員新建倉廩係急公墊用應照添建工料銀數給還又添建通省正餘各倉每倉基一間應酌給地價銀一兩以上添建修理地基共估需用銀五萬一千二百七十一兩東省現有存貯公用銀兩可以動支無庸動用地丁錢糧並聲明東省濱海州縣衛所地皆沙灘民無陶冶若倉廩必令覆瓦未免購運他處又滋脚費即用海草亦堅實經久每草房堪貯穀五百石者發工料銀十兩等情呈詳前來臣查修建倉廩必須蓋造完

固以重民儲尤必核實工料勿滋浮冒今據所報
現有倉廩是否實在數目有無隱漏應建應修有
無混捏臣現在委員分頭確查取結其濱海地方
此論是當之極宜持定主見勿被搖惑莫因節省些微
雖無陶冶但海風甚高草縱堅實終不如瓦之經
致悞積貯大事必用瓦覆方為妥協
久況倉廩期於完固似未便惜此購運之費現飭
查議另估至於添建倉基其無官地者自應置買
民地如有官地可建蓋者另當查明節省統俟工
竣報銷臣逐項確查一一核實取具細冊送部不
敢令有浮冒賠墊以及派累滋擾草率修理等弊
再動用銀兩現有歸公耗羨自不須動支地丁但

辭冒東省倉穀欽奉

諭旨令於今歲買足臣現在嚴飭採買均須倉廩堆貯
若俟確估到日會疏具

皇題未免需時遲緩相應將修建情形奏請

聖訓卽飭令動支銀兩買備物料一至春融便可興工

省修建是否允協伏乞文

睿鑒爲此謹

奏

覽

雍正八年正月初二日河東總督臣田文鏡謹

硃批諭旨

七

二

田文鏡

奏為恭謝
天恩事雍正七年十二月二十六日臣齋摺家人回豫
表捧到臣覆奏摺內欽奉

皇上硃批諭旨覽奏欣慰特為卿有通飭諭旨頒發直
省矣欽此臣復接准部文跪讀通頒

諭旨仰見我
皇上仁育萬類體恤羣工
特沛曲全之恩

弘施寬大之典內外文武諸臣罔不仰蒙
怙冒惟是

溫綸下逮實由犬馬微軀上厪

聖念

皇上欲厚其恩於臣而遂廣其恩於天下是天下臣工
睿鑒共戴之恩皆臣一人身受之

恩也臣跪讀

恩旨敬捧
硃批感激

恩隆手足莫措不知作何圖報方能仰酬萬一臣自立
闕闕春以來氣體復元步履漸健十二月二十二日封
印之期臣即出堂照常行禮恭逢元旦令節臣謹

率同文武官員敬詣公所望恭發元旦命詣
闕颺拜恭行庶幾或元正風漸對十二日二十二日桂
恩朝賀禮儀謹不併具回圖時式詣於廟萬一
奏上慰

聖慈所有微臣感激微誠理合恭摺

恩奏謝伏乞

睿鑒為此謹

皇奏為恭報得雪日期仰祈
覽奏知卿步履如常朕心深為欣慰雖然仍當加意節
慎不可稍涉勉強

皇中同日又旨引
奏為恭報得雪日期仰祈

睿鑒事臣查豫省得雪勻足經臣於雍正七年十一月

命奏五十七日恭摺奏

聞茲於十一月二十七日復降瑞雪自子至酉得雪三

恩厚寸二十九日天氣晴明和氣噓暖當此春回地脈

林萌之初麥苗欣榮而瑞雪應時滋潤長養甚為有益

適值年節民間睹此五風十雨莫不慶戴戴實未

天庥咸歌樂利所有開封省城得雪日期理合恭摺奏得

聞仰慰

殊批諭旨

七

三

田文鏡

聖懷謹

奏 頌樂味祖育開桂省妣壽壽日祺聖合恭辭奏

覽奏得雪情形并民間年景朕懷曷勝愉悅昨歲實未
料直省普遍沾沐榮而滋雲飄却滋聞是養其益
天恩至如此優渥也天恩報恩味歲豐當此春回此
聞茲同日又月二十十日對朝壽自干至酉壽壽三
奏為欽奉日恭辭奏

聖訓據實覆奏事雍正七年十二月十五日奉十六日
奏 臣齋摺家人前後回豫捧到

皇上硃批諭旨臣敬啟跪讀於臣謝

恩摺內欽奉
硃批康熙二十年前

皇考臨幸豐澤園於稻田中偶見一穗與眾稻迥異
特命記取次年春選擇膏壤佈種方得此米是乃

上天所賜之奇穀嗣後

御厨四十餘年悉炊此米作膳後始漸廣然掌管之員不
敢輕以畀人以故外邊罕見即朕當日藩邸亦不能
望得此種也若以豇豆水瀹煮其色更紅其味更厚卿
天如喜食候更陸續賜來今內倉頗多非復似前難得
朕矣欽此亟跪讀之下感悚伏地竊念

聖祖仁皇帝德位名壽超隆千古實

上天篤生之身更對靈顯來今內存融之非真以清撰哥
大聖人是以出昔以豆木禽養其色更孫其如更真
穹蒼協瑞特於豐澤園中產生奇穀以供日蓄取亦不
玉食此誠繪筆悉州北米非熟對故神與然掌管之員不
尚方珍品世所罕觀者我

皇上藩邸之初尚難多得此種今臣屢蒙

恩賚又豐

諭以陸續更賜雖前
朕賜所當賜從不濫加以逾分之恩凡所加恩者必仰
天恩高厚有加無已但微臣福薄實驚逾分也又於臣

體

上

奏明試看岳含奇摺內欽奉
殊批岳含奇原屬庸材前諭甚明況又目不識丁但念

皇係岳鍾琪之姪其方寸中未必即忍負朕卿其再加

訓誡驗視聞各鎮皆係本標中軍主持事務或將其

中軍員缺選補一妥協幹練之人俾令匡救其失更

命岳濬留心幫助以觀後效欽此仰見我

皇上推恩逮下造就成全之

聖意臣當謹遵

諭旨隨事誠勉其現任中軍遊擊李登華經臣考驗尚

堪任使臣惟諄諭該遊擊實心任事俾該鎮得收

殊批諭旨

七

天

田文鏡

臂指之助如其不能協助容臣另為選擇奏

聞至撫臣岳濬與該鎮誼關手足又在同省自應共相

聖意砥礪若再蒙

皇上諭旨則岳濬益當留心相幫該鎮益知努力自奮

朕自隨時諭之卿遇有便亦言之於伊可也

硃批人實難知遷改尤難限量亦不可因朕一時之甄

別遂永奉為衡鑒也欽此仰見我

皇上慎重人材誠恐偶有掩抑惟是

聖明藻鑑原屬精當不爽今張鏐張瀚臣現再加驗視

如能奮勵自進臣亦不敢匿其所長有負以人事

君之義又於臣奏明修理東省倉廩摺內欽奉

硃批憶卿奏朕曾有減貯之議何得尚存三百餘萬之

多欽此查臣前於均勻貯穀案内除民欠虧空及減

貯外核明存倉穀一百九十三萬八千一百四十

石零七石零存價應買穀一百二十一萬八千九百二

石零二共穀三百一十五萬七千五百石零此外

將價銀提解司庫因未准部覆之先各屬有將應

解價銀已買穀收貯并應追民欠穀石合共計穀

三百三十二萬七千七百八十一石零此乃已經

減貯之數也今除舊有各倉竝官房改廩共堪貯

穀二百三萬五千六百二十九石零尚餘穀一百二十八萬二千一百五十二石零均須建倉堆貯共應添建正倉二千五百七十二間餘倉一百四十六間是以前摺敬謹

今始洞悉原委
奏明又欽奉

硃批酌估之價毋乃太減乎恐不敷用欽此仰見我皇上明無不照體恤周至之盛意惟是東省此價係照

文廟工程未竣又復創建駐劄滿兵城垣營房物價自必此議甚是不但兩省物料貴賤不一且東省現今修理今令藩司再加確核如有此須不敷酌量增給統

更昂應酌增者
俟工竣核實報銷造冊送部又欽奉

硃批此論是當之極宜持定主見勿被搖惑莫因節省些微致誤積貯大事必用瓦覆方為妥協欽此臣查

土儲濱海風高海草難以經久所建倉廩臣已飭查另務俾毫無侵耗為要莫惜小費致令草率從事表估槩令用瓦所有購運之費不無加增容俟酌估

到日臣再恭摺奏
聞又欽奉

硃批所請甚是應飭令速行預辦毋遲欽此臣謹欽遵聖諭當即檄行山東藩司一面動支歸公耗羨銀兩分發各屬預為採辦物料轉瞬春融即可與工不敢

令其少有稽延也所有奉到原摺理合恭繳伏乞

睿鑒謹

奏為欽奉
覽又欽奉

雍正八年二月初一日河東總督臣田文鏡謹

奏為欽奉

上諭事雍正七年十月初四日臣准部咨修治直隸山

東江南三省道路一案奉

旨爾工部即行文三省動正項錢糧乘此農隙之時派
委賢員作速興工務於明春雨水前告竣朕仍遣員

督往查其修過橋梁道路等項著照爾等所請交與各

該地方官隨時修整并令新舊交代永著為例欽此

欽遵咨移到臣隨檄行山東布政司遵照轉飭

各地方官上緊興工其橋梁道路務令修築堅實

備有恪遵雨水前告竣並飭道府等官不時嚴行查督

諭旨務於雨水前告竣並飭道府等官不時嚴行查督

又經節次檄催去後嗣據各屬前後具報應修道

路俱照原估修治平坦培墊高厚律完竣惟有

橋間等石工歲底沍寒凍漿灌砌難以堅固物料

購備停妥請候春融動工等情臣復飭司委員查

勘竝於本年正月初七日選委臣標把總分路前往東省將修完道路逐一查驗并將未完橋梁等工趁此春融立即催其加添工匠趕修完固統俟修理報竣到日臣再另行恭摺前發具詳懇祈聖鑒奏緣奉兩水前旨欽此欽遵欽此欽此查督諭旨務於雨水前告竣所有道路修完橋閘石工現在催修情由合先與工其詳來臣謹將合外業懇實奏明仰懇 聖懷伏乞 聖鑒謹具 奏

奏 乘時興工先修道路可謂得緩急之宜卿所屬境內豈止此一事妥協已也

同日又 奏為奏明事竊臣於雍正七年十二月十四日准浙江督臣李衛咨開訪獲江省謀為不軌匪犯甘鳳池訊據供稱從前犯過三念和尚案內夾過兩次馬臬司開脫有夏林生係南京人在河南固始縣賣花樹生理他說城內有一周姓富家與現獲南京周崑來名溥者聲氣相通門下黨羽甚眾更有

推盤手車子多人皆暗受其約束素有大志非止
賣日知交十年矣今歲九月間又見姓夏的還是
這樣說話約會犯人前往纔到鎮江被差人喚來
故不會去外有一箇常二係回教固始縣人曾在
光州克過快手因賣放賊犯革役彼時雖尚無別
志念但本事利害勇不可當見面就甚相好他兄弟
二人哥子是箇老實的等語相應專差密咨拏解
等因到臣臣隨委開封府通判于林帶同浙江來
員前往固始縣會同該州縣拏獲究訊羽黨嚴拏
奏解浙并密行按察司轉行去後嗣據詳稱拏獲夏

林生訊據供明周姓係武生周圖廉并稱周圖廉
做小車會頭曾見周圖廉在方家集上設桌收錢
伊兄周圖德幫收又有范廷侯范廷九范四胡國
璽胡國英梅錫齡丁蘭生孫國彩俱與周圖廉結
拜周圖廉常說我們雖然窮困中了還有出頭日
子這就是他素有大志康熙五十八年替周圖廉
帶一封書與周崑來是聲氣相通其推盤手車子
卽通行的二把手小車子雍正七年九月內會見
甘鳳池叫周圖廉到鎮江去會十一月二十二日
向周圖廉說知周圖廉說年近了弄不出盤纏明

年去罷等語隨將周圖廉周圖德范廷侯范廷九
范四胡國璽胡國英丁蘭生孫國彩井常二及周
圖德供出收小車會錢之周錫文拏獲經署光州
事通判金承勳委固始縣典史潘允瀚同浙江來
員顧言并選撥兵役移會沿途營縣一體撥護於
雍正七年十二月二十九日由固始縣起解赴浙
與甘鳳池質審去訖其梅錫齡一犯因出外未獲
現在嚴拏等情詳報到臣除各犯聽浙江督臣審
明具

奏外所有浙江督臣李衛密咨查拏夏林生等及臣

委員護解緣由理合恭摺奏

聞謹

奏

此案已差部臣往浙審理矣李衛能於眾所忽處留心
察究殊屬可嘉斯種匪類為生民害甚於盜賊孟子所
謂惡莠恐其亂苗也每見地方大小臣工以為不急之
務率皆膜視偶或形迹發露猶多方掩覆慮博安靜之
稱直省督撫中著意搜剔者惟李衛最勤是以朕深取
之淺見無知輩則日為多事也

奏同日又

奏爲奏明武職養廉仰請

聖裁事臣查雍正七年九月內准到兵部議覆南陽鎮
臣馬世龍疏請買補缺額親丁馬匹一案內稱南
陽鎮所食馬糧四十八分應令該鎮遵例於標下
步兵內拔補克伍其親丁應食名糧於步兵缺內
照例頂補如遇離任即將所食步兵名糧交與接
任官隨丁頂補報部竝通行各省遵照等因移咨
到臣隨即轉行遵照在案臣查定例提督親丁糧
八十分總兵六十分副將三十分參將二十分遊
擊十五分都司十分守備八分千總五分把總四

分從前各官親丁內有全食馬糧者有馬多步少
者有土司佔食馬糧而屬員多食步糧者此外復
有空糧如提鎮則虛冒百十餘分副參遊擊則數
十分都守千把等官亦各多少不等營中更有扣
留之公費糧幫貼糧紙張糧米抵皆藉端朦混朋
比分肥所有虛冒私佔之數恒倍於親丁原定之
額邇年以來仰蒙我朝文廟陛下二十餘兩餘

皇上加意戎行日合兵共支漸增十一兩四錢亦皆
訓誨鼓舞莫不奮興整飭河東兩省營伍陋習革除殆
盡惟各官親丁養糧歷任相沿馬步兼食其來已

奏茲准部議通行改步伏查步糧一分除每月支
騰糶米一斗外扣去朋銀小建實支餉銀九錢有零每
皇上年十二箇月合計共支餉銀十一兩四錢有奇提
督親丁八十分每年約支餉銀九百二十餘兩總
兵六十分約支餉銀六百八十餘兩副將三十分
約支餉銀三百四十餘兩叅將二十分約支餉銀
二百二十餘兩遊擊十五分約支餉銀一百七十
餘兩都司十分約支餉銀一百一十餘兩守備八
分約支餉銀九十餘兩千總五分約支餉銀五十
餘兩把總四分約支餉銀四十餘兩直思提鎮列

在封疆不惟食指浩繁其經年差使酬應操兵犒
賞之類均難缺費副叅遊守等官家口多寡不等
大約不下數十人微至千把亦有八口今以步兵
親丁名糧計之量入爲出實有不敷夫分職授糈
者

朝廷之典先事後食者臣子之義我
皇上深仁恤下無不周至必欲其養贍寬裕俾得盡心
公事以勵操守況武職親丁糧尤爲計口待哺之
需此外別無所資倘內顧不給而不肖員弁又或
藉端蠹伍扣剋虛冒等弊更將因以滋起臣愚謂

親丁名糧似應少爲酌定如提督八十分應給馬步各半竝其俸薪一年約可得銀二千兩總兵六十分約可得銀一千四百兩副將三十分約可得銀八百兩參將二十分約可得銀五百兩遊擊十分約可得銀四百兩都司十分約可得銀三百兩守備八分約可得銀二百兩千總五分約可得銀一百兩把總四分約可得銀八十兩如此則較於全食步糧豐裕過半庶武弁養贍有資益加勉勵操守整飭營伍圖報

聖恩矣臣仰荷

主眷隆逾常格凡有見聞不敢緘默無言是否可行伏

聖明裁鑒倘蒙

俞允仍祈

宣諭直省畫一酌定普天率土均當欽頌十六日未判

鴻慈永於萬世也爲此密摺謹

奏

兵部議覆通行改步二案朕偶爾忽畧未及細心裁奪

彼時因何依允追思所以然之故竟不可得俟查明端緒酌定後另有諭旨

殊批諭旨

七

七

田文鏡

同日又

奏為恭報雨雪日期仰祈

睿鑒事雍正七年十二月二十七日開封得有瑞雪經

奉 臣恭摺奏

聞續據各屬具報均於二十六七等日得雪三四寸不
宜備等茲開封省城又於雍正八年正月十六日先降
命亦微雨繼以大雪自寅至酉約得五寸闔屬地方亦
望聞於是日各得雨雪四五六七八寸不等均稱沾被
調勻土膏滋沃現在麥苗俱長二寸有餘青葱遍
主野婦子咸歡所有雨雪分寸日期理合恭摺具

奏仰慰

聖懷再東省濟南一府泰安濟寧兩州並所屬各縣據

報正月十六日亦各得雨雪三四寸不等統俟各

屬報齊臣再續具奏

聞伏乞 聖鑒謹

奏 奉 旨 欽 此

奏 奉 旨 欽 此

初春即被膏澤實屬可慶今歲上元前後數日雨雪本

天恩甚溥山右通省均霑直隸亦然頃據陝西復報得雨

朕深為欣幸而愈增寅畏絲毫不敢少肆志也

殊批諭旨

七

庚

田文鏡

雍正八年二月二十五日河東總督臣田文鏡謹
奏爲遵

旨行文事雍正八年二月初七日准內閣移會內開本
年正月十八日奉

上諭山東青州府設立滿洲駐防官兵所有建造城垣
營房工程著御史偏武侯補道員陳豫朋前往會同
地方官監督修造其一應如何修造之處著都統拉
錫亦往青州會同相度經畫定議交與偏武等辦理
拉錫仍回天津地方拉錫有素知可以辦工之人准
其帶往青州留於工所交與偏武等派委辦事偏武

所管倉工著交與御史趙華監修再著內務府總管
常明監管稽查欽此欽遵移會到臣仰見我官此開

皇上綏輯海邦基址最宜精其城內對峙再聚
睿謨弘遠益氣星以臣用善引因畫並滿營關
命官分理鉅細靡遺臣聞一即五十翁始來茲出入
命之下不勝欣幸臣查青州建造滿城工程浩大士切

估勘核算繪圖造冊查議採辦督理各項頭緒紛
繁均應先爲酌定當卽專委登萊青道孫蘭芬總
理其事青州府知府廣壽經管察核其餘佐雜等
員揀選預備分頭委用惟事屬創始其衙署營房

規式竝無舊例可循隨移咨直隸督臣衙門查取天津建造滿城規式斟酌確估至青州府城外舊城基址先據勘報共計大地一十二頃五十一畝零今滿城擇建於西南角平坦之處丈出大地六頃四十六畝建造衙署營房並留大街馬道止須命官大地五頃九畝尚餘一頃三十餘畝將來滋生人眷屬下添蓋房屋均可足用等情臣因建造滿營關係皇上永遠駐防基地最宜詳慎其城內規模似再須寬大其需用磚瓦土坯石料石灰等項有無官地開池設窰座亦令查議明確招募工匠承攬置辦惟有

木植一項初議赴南採買節據孫蘭芬稟稱需用木植約計十五六萬之多若盡赴南採辦必由江南太倉州劉河口出海運至山東膠州又自膠州陸運至青州計程三百六十里路經高密草場湖地一遇雨水泥濘難行車輛不能輓運脚價倍費今查東省民間榆楸槐楊等木俱皆堅實悉可取材以資工用請於附近青郡之各縣就便選購榆楸等樹先令匠人看定量材取用照時價平買其不敷木植再行赴南採購既可省運脚之糜費又可令匠役先興工作等語續據山東布政司今陞

湖北撫臣費金吾詳稱東省榆楸槐楊等木不堪經久易於朽蛀兼之隨伐隨做滋漿尚存木性不堅況青萊等郡大木非係道路壇塋蔭木卽係老民老婦留以需用者今聞各縣採號甚拂民情無寧少遲時日赴南採買其檁椽鋸板小木應卽於青屬附近地方照依平價採買等情臣查北省修建衙署及民間富室蓋造房屋俱用榆楸槐楊等木竝無越省遠購之事亦未有致被蟲蛀不堪經久者況南木委員採辦往返期遠今附近所買樹木其百姓先自砍伐者已將乾燥其現議買伐者

去皮斲削待至南木到日亦已堅燥可用豈復尚殘差存滋漿至於道路壇塋一切古木蔭樹臣已明白奏飭禁不許買伐所云蔭木之外盡係老民老婦留聞伏以需用更爲不經必無此理總緣東省百姓向苦墾營官役詐派無聞選買樹木唯恐克作官用不給價命潛值卽或給價亦不償一反多運交守候之苦或不許蠲免於疑慮相參迨臣剴切曉示破其疑團飭令先皇土買後伐預給時價一切雇車運送之事毫不累及意不小民賣樹獲利何至甚拂其情且木料需用甚多無妨一尋金丈必欲出自南產需時滋費豈爲良策臣

知費金吾見聞未確誤聽人言當卽旨令指駁並
令確議造送估冊尚未據報到茲蒙我需用甚多
皇上垂念工程緊要一財賦重費之專事不累文
特遣御史偏武等會同地方官監督修造並諭諭命貴
命都統臣拉錫來青相度一又冬數交自州之苦更不
聖慈遠注鉅細無遺俾大工仰藉有人實深慶幸臣正

繕摺恭

奏間適

欽差御史臣偏武抵河南省城臣將一切原委面與備
敘情形其應如何修造之處統俟都統拉錫到東

土備經畫定議臣仍札諭登萊青道孫蘭芬等協心贊
理所有料理滿營事宜並御史臣偏武到豫日期

土備合併恭摺奏

聞伏乞

睿鑒謹

奏

覽奏知卿欲卽在青萊等處採買木植以圖省便但榆
楸槐楊四種內惟槐木稍堪經久而又難多得殊與朕
意不甚相洽且此項工程不須急促辦理便遲至經歲
無妨拉錫曾中頗有見解俟其到日令承辦各官與之

商酌由南購載如慮滋費需時或從北直採辦運往較
稍勝否更會同偏武周詳妥議本省覓買雜木之舉總
宜暫緩倘臨時必用就近取材以資營造尚不致有遲
誤也於此等事無庸過費精神差委京官前來正爲欲
卿減省心力庶得經畫地方緊要政務之意卿其知之

同日又

奏爲欽奉

上諭事竊照疏濬山東江南等州縣水道使歸宿於海
一案奉

上諭先期派出原任侍郎阿克敦原任巡撫陳世倌甘

汝來同司督修之事一切辦理機宜悉聽田文鏡嵇
曾筠孔毓珣尹繼善籌畫調度工料等費悉動帑金
支給臣欽遵轉行間又奉

上諭水道工程俟孔毓珣嵇曾筠尹繼善等會題到日
再著阿克敦甘汝來前往辦理陳世倌著暫在曲阜
工程候信俟阿克敦等至山東時一同前赴工所欽

此查此案前經署山東巡撫臣費金吾會同臣田文鏡
奏明經王大臣等議覆應令費金吾會同臣田文鏡

嵇曾筠尹繼善詳確斟酌定議當於雍正七年閏
七月內會委山東兗寧道呂維炳徑詣沛縣荆山

口一帶會同江南委員淮徐道康弘勳將張孤山
十字河等處查勘如何開濬其沛縣下流入運河
身竝自彭口以下遇雨水過多之時可否不致礙
運有無支河分流濟寧等州縣應開之河下流豐
沛入運入黃最有關係一併確查妥議詳報去後
再嗣據詳稱濟寧等州縣積水由南陽昭陽微山諸
上諸湖下注一案查自微山湖尾閘起歷張孤山至計
支家山原係淤墊應挑濬河渠一十五里自計家山
會至荆山口計程三十五里水勢通流毋庸疏濬自
上或荆山口橋東起抵三岔河一百四十里河身悉屬

寬廣其三岔河東岸原有洩運河異漲入駱馬湖
去路上游洩下之水可以從此分洩一半入湖三
岔河迤下十二里至貓兒窩此處運河狹窄其分
洩一半入運之水誠恐急不能容查貓兒窩十二
里至馬莊有減水閘一座又十里至萬莊亦有減
水閘一座再於此二閘適中之處照式添建減水
閘兩座又八里至瑤灣有減水竹壩一座又六里
至牛頭三灣有減水草壩二座以上四閘三壩可
以洩水入湖以保運道及水入湖行六十五里至
宿遷之三合土壩由五花橋匯歸劉老澗壩下河

內歷桃源清河沐陽安東海州計程三百五十餘里止有安東沈家集迤下一帶地勢低窪河道淤淺應行挑濬之處約計一百餘里其餘河道悉屬深通但六州縣兩岸堤堰均屬卑淺殘缺應須增築高厚其自龍溝以下卽係大河可以引水入海順軌通行諸水皆有歸宿等情臣查此案勘議開通工程旣大民生漕運關係尤深自應仰體

宸衷審度兩省地勢高下情形務須悉心區畫使上源積水條分支幹節節疏通而下游受水之區更宜詳慎容納源源接引卽遇雨水異漲亦得循軌安

言命流俾民舍田廬永無淹漫首尾貫通暢達於海臣因未得親往查勘於正月內河臣嵇曾筠因公查勘路過開封臣隨面與計議總期詳慎妥協一勞永逸又會委兗寧道呂維炳趁此春融水涸立卽會同江南淮徐道再加查勘確議臣復揀選河南河內縣縣丞林逸熟悉河務檄令該道帶往由上而下一路測量水平先將東省上源濟寧汶上嘉祥鉅野曹單城武金鄉以及魚沛等州縣遍加履勘逐一探明高下情形將應挑應浚之道里遠近丈尺寬深詳加確估明白務使水無壅滯節次導

引滙歸湖河其湖水瀦蓄宣洩必欲虧盈得宜而於漕運民生兩無妨礙再將江南下源各處應挑應築水道工程勘估妥協繪貼圖說造冊詳報以憑河臣嵇曾筠孔毓珣等親履查勘之後臣與會一切籌畫調度悉合機宜商定議再為具題所有委勘水道各情形合先

奏明抑臣更有請者兗寧道呂維炳現經江南河道督臣孔毓珣於河庫河務均關重大案內題請調補淮徐道業經奉

旨俞允惟是呂維炳節經臣等會委查勘山東江南兩

省水道及各處湖河閘壩一切高下地勢情形均聞已熟悉現在勘估未竣如今前赴新任勢必另委別員事經隔手頭緒不諳恐有稽延舛錯之處臣

睿鑒仰懇

具日又

聖慈將呂維炳暫留兗寧道任俟此案勘估造冊定議

題之後再令前往新任庶大工得以早興兩省羣黎

奏請共登衽席矣臣為勘估重務起見冒昧

奏請伏乞

睿鑒謹

硃批諭旨

七

聖

田文鏡

奏

呂維炳熟悉水道情形暫留東省所請是嵇曾筠亦經奏請但淮徐道之任既司出納而又兼管河務甚屬緊要候朕與大學士等再加斟酌有旨

同日又

聖奏為恭報河東兩省同沾雨雪日期仰祈
睿鑒事雍正八年正月十六日豫省闔屬得雪分寸經

臣恭摺奏

聞欽奉

硃批諭旨初春即被膏澤實屬可慶今歲上元前後數

日雨雪

天恩甚溥山右通省均霑直隸亦然頃據陝西復報得雨

望朕深為欣幸而愈增寅畏絲毫不敢少肆志也欽此

關外仰見我

皇並敬

天勤民嚴於宥密是以誠格

穹蒼惠綏兆庶普天率土之廣靡不共慶時若也茲查本

年正月三十日河南開封等屬降雪三寸通省地

方均於是日各報得有雨雪三四五六寸不等又

山東闔屬於正月二十二日竝三十日得雪四五

硃批諭旨

七

聖

田文鏡

六七八寸不等俱稱沾潤深透麥苗滋長現今五
風十雨郊野勻和臣惟有與兩省官民益勤職業
以仰副愈增寅畏之

聖訓庶以上承

深宮乾惕之

睿懷而已所有河東兩省同日得雪分寸理合恭摺奏
聞伏乞 皇太后

聖鑒謹

奏

百凡總仰賴

上蒼錫佑耳人力亦何足恃

同日又

奏為添修豫省各營軍器仰祈

睿鑒事臣查兵丁甲械帳房關係軍需以備差操行走

其有缺少朽敝者自應查明添修務令堅固齊全

以資實用經臣屢檄通飭前據臣標左右兩營

南北兩鎮各將所缺盔甲鳥鎗帳房鑼鍋等項呈

請修製前來當經飭司會同鎮營確查妥議竝飭

將應添應修各項分別查明勿令濫開浮冒仍將

奏需用添修價值逐一開造清冊詳送核查明

奏隨據署布政司事按察使陳世倬會同查明臣標
左右二營馬兵舊有盛甲朽敝不堪應按數製造
馬兵花盛甲二百頂副步兵舊有鐵盛甲朽爛不
堪且行走難於攜帶應改造綿盛甲輕利有益除
出征兵丁製過綿盛甲一百九十二頂副竝現有
綿盛甲二十四頂副外尚應添造綿盛甲五百五
春鑿十頂副除舊有堪用鳥鎗外應修整鳥鎗九十桿
奏除新製帳房四十三頂外尚應添造不敷帳房九
十二頂應添製梅花椿一百三十五副除舊有鑼
鍋堪用外尚應添製不敷鑼鍋二十二口共需銀

二千五十五兩零南陽鎮屬七營除雍正三年內
新製竝舊有堪用各步兵綿盛甲外尚應修整綿
甲盛甲六百七十八頂副除雍正二年新造鳥鎗外
尚應改造鳥鎗二百四十桿添造鳥鎗八百八十
三桿除雍正六年新製竝舊有堪用各帳房外尚
應添造不敷帳房三百六十七頂應添製梅花椿
六百零七副除雍正六年內新製竝舊有堪用
各鑼鍋外尚應添造不敷鑼鍋二百七十九口共
需銀三千七百七兩零河北鎮屬九營除舊有馬
兵花盛甲堪用外尚應添造馬兵花盛甲一頂副

除雍正三年新製竝舊有堪用各步兵綿盔甲外尚應添造綿盔甲九十二頂副除舊有堪用鳥鎗外尚應修製鳥鎗二百零八桿除舊有堪用帳房外尚應添造不敷帳房四十二頂應添製梅花樁三百八十六副共需銀六百八十七兩零以上並標左右兩營南北兩鎮通計估用銀六千四百四十九兩零謹將各項工料數目另繕清摺恭呈御覽查修製標鎮各營甲械應動庫存公項銀兩惟是南陽鎮衙門查有收貯前任革職總兵佟世麟所收節禮陋規銀一千八百三十三兩零又前任

署總兵李永陞收受軍政舊規銀二千四百九十兩又前任鎮標中軍遊擊王瑞材收受佟世麟所給盤費銀六十兩以上共銀四千三百八十三兩零現俱存貯該鎮衙門留備公用之需今該鎮各營添修盔甲鳥鎗帳房鑼鍋等項需銀三千七百七兩零卽應在此項存貯銀內令其照數動用不必另行撥給至標左右兩營需銀二千五十五兩零河北鎮屬需銀六百八十七兩零俱應在藩庫所存公項銀內照數撥給速爲修理俟事竣臣再確查報銷竝將南鎮所動存貯銀兩一併查取

清冊咨部理合恭摺具報隨旨復覽兩一併查覈
奏仰請咨公更冊內無幾幾冊查覈
諭旨遵行爲此謹
奏公民行幾冊至
覽 十兩零
傳爲半朕因念伊前入擢用令職觀其質地止不過誠
慤而臣未見所長或恐弗克勝任然歷俸日久營伍事
務想應諳練也卿意以爲何如

同日又
奏爲欽奉
案雍正七年二月內准戶

上諭事竊臣查各省志書案雍正七年二月內准戶
部咨開奉

上諭著各省該督撫將本省通志重加修輯務期考據
詳明採摭精當既無闕畧亦無冒濫以成完善之書
如昔年未能竣事或寬至二三年內纂成具奏欽此

仰見我
皇上慎重紀載表彰人物詳徵一代之文獻永垂萬世
之章程必須選擇品學兼優之人任以考校修輯
之責臣准部咨當卽轉行河南布政使速爲聘訪
學問淹貫人員擇日開局因本省甚難其人河臣

嵇曾筠薦有江南無錫縣辛丑科進士顧棟高學問淵博堪膺斯任隨即專人往聘於今歲正月內到豫又選有教諭朱超傳夢賚羅倬學正張星煜李洛均係文理優通堪膺分校之任業已陸續傳齊在省今擇吉於本年二月十二日併送入大梁書院內開館纂修其一切安置竝須用器具及供辦應筆墨紙張食物等項應請在於存公銀內陸續給發統俟事竣之日查造清冊逐一確核報銷臣再另行恭

奏所有豫省志書開館纂修日期并應請動支公項

緣由理合恭摺奏

聞伏乞

睿鑒謹

筆墨之事固不宜忙迫然亦不宜甚遲俾速纂修元竣庶可杜請託營求之弊也

雍正八年三月十七日河東總督臣田文鏡謹

奏為恭報豫省得雨日期仰祈

睿鑒事竊查豫省春初雨雪沾被調勻經臣節次奏

聞茲查開封府地方於二月二十五日得雨三寸又於

閏茲三月初七日戌刻起至初九日寅時止得雨六寸
睿鑒所屬各縣亦於初八日得雨四五寸不等又三月
十一日開封并所屬各縣得雨三四寸不等又十
四日申時起至十五日寅時止開封省城又得雨
三寸有餘其外府州縣有報於二月十九二十等
日得雨露足竝得雨三四五寸不等者有報於二
月二十五及二十七八九等日得雨四五六七寸
不等者有報於三月初七八等日得雨露足及四
五六寸不等者甘雨及時田疇普被合計通省均
已沾潤滋足現今各處二麥俱高一尺五六寸穗

已先後吐齊高糧長至三四寸許穀黍苗發甚旺
棉花亦已出土芝麻雜豆均各播種在地閭閻婦
子樂此五風十雨靡不感戴

皇仁共欣時若所有豫省得雨日期及麥苗穀黍長發
情形理合恭摺奏

聞仰慰

聖懷再東省州縣亦據報於二月二十五及二十九日
各得雨二三四寸不等合併

奏明伏乞

睿鑒謹

殊批諭旨

七

五

田文鏡

奏

覽奏豫省膏澤調勻麥已結穗穀黍俱長發茂盛東省
又已及時得雨朕懷曷勝慰悅都中自入三月以來日
起風霾甚覺乾旱於此奏未到之前一日荷蒙

天

祖眷佑慈恩甘霖大沛郊野優渥而山陝兩省亦於月之

中旬各報霑足朕惟額手欣慶期與卿等共勉寅畏以
敬迓秋成之

嘉貺耳

同日又

聞奏為桃汛已過工程平穩臣謹繕摺奏

聞仰慰

聖懷事竊臣伏查豫省黃河南北兩岸堤工頻年以來

皇上敬

天勤民之念上格霄蒼於此汛前南北兩岸一

穹蒼是以黃流順軌汛水安瀾河泓刷深埽壩堅固而億

萬生靈靡不永安衽席矣前因桃汛將屆臣隨檄

飭管河道祝兆鵬河北道朱藻等督率廳營印河

員弁住守沿河堤岸帶領兵夫加意修防巡查料

殊批諭旨

七

五

田文鏡

理不許絲毫怠忽去後茲據該河道等報稱自雍正八年二月十八日清明起至三月初八日止黃河長水三尺三寸至三尺九寸不等今已消落丈尺七寸至二尺不等竝無出槽又沁河長水一尺九寸今已消落九寸所有南北兩岸一切堤埽工程俱各保固平穩通省臣民咸皆歡欣踴躍感頌皇仁但轉盼入夏卽屆伏汛臣仍嚴飭管河各官加謹聖訓修防外所有桃汛已過工程平穩緣由理合恭摺聞

奏

聞土慰

聖懷伏乞
睿鑒謹

奏 伏汛將屆而雨澤頗饒亟宜飭諭屬員倍加小心敬慎恐管河各官目覩河水就緒屢慶安瀾漸生怠忽之念也卿等亦當慎之益慎以防不虞將此諭令稽會等知之

同日又 皇奏為欽奉 聖訓據實覆奏事雍正八年三月十二日臣齋摺家人

硃批諭旨

七

五

田文鏡

聖旨奉回
皇上硃批諭旨到臣臣敬啓跪讀於臣奏明山東江南河道歸海一案竝請將呂維炳暫留竟寧道任摺
內欽奉

硃批呂維炳熟悉水道情形暫留東省所請是嵇會筠亦經奏請但淮徐道之任既司出納而又兼管河務甚屬緊要候朕與大學士等再加斟酌有旨欽此查淮徐原屬要地今臣以呂維炳勘估工程請爲暫

允卿所請已有旨矣
留荷蒙
聖慈原鑒且致仰費

天心詎惟有速飭呂維炳上緊查勘竣事以便令其馳

皇上赴新任庶以仰副皇上慎重河漕之至意又於臣奏請添修豫省軍器摺

硃批覽傳爲斗朕因念伊前人擢用今職觀其質地止

不過誠慤而已未見所長或恐弗克勝任然歷俸日

久營伍事務想應諳練也卿意以爲何如欽此臣查

傳爲斗於今歲正月內來至開封見臣觀其人循

循本分與之講論營伍尚屬明白通曉誠如

聖明所鑒查其到任以來辦事謹慎小心惟聞待兵過

聖恩寬致有兵丁酗酒打架以及強買與民爭毆之事
朕正恐其器局鄙小涉於罷軟善柔訓誠後試觀能
否臣已切札諄囑令其嚴加訓約務須整飭紀律不
遵循作何施措再奏以聞得博取寬大之譽以長弛縱止負
良罪歸其人前

天恩簡用之隆是否克勝其任准當再觀後效另行據

不實奏

聞又於臣奏纂修豫省志書摺內欽奉御覽其費此
殊批筆墨之事固不宜忙迫然亦不宜甚遲作速纂修

皇完竣庶可杜請託營求之弊欽此仰見我

皇上表彰垂信紀載核實之至意雖纂修之事採摭紛

天繁然臣自不敢聽其延挨時日以啓弊竇務期考

據詳明無關無濫庶以仰副

好聖意又於臣奏東省滿營摺內欽奉

殊批覽奏知卿欲即在青萊等處採買木植以圖省便

但榆楸槐楊四種內惟槐木稍堪經久而又難多得

殊與朕意不甚相洽且此項工程不須急促辦理便

遲至經歲無妨拉錫胸中頗有見解俟其到日令承

聖辦各官與之商酌由南購載如慮滋費需時或從北

直採辦運往較稍勝否更會同偏武周詳妥議本省

覓買雜木之舉總宜暫緩倘臨時必用就近取材以

資營造尚不致有遲誤也於此等事無庸過費精神

差委京官前來正爲欲卿減省心力庶得經畫地方

緊要政務之意卿其知之欽此聖跪讀之下感激涕

零伏以犬馬之微仰蒙會同調度臣

聖主顧復體恤無不周至雖臣之心力臣實未能自愛

至於此極也捐糜踵項何能報稱在滿營工程重

大臣既駐劄隔省未能親身相度其中機宜臣實

未能曉暢今蒙命

命都統臣拉錫經畫定議仰見我

皇上睿慮周詳經營盡善至於木植一項已聞拉錫等

有自天津運東之議承辦官員臣已諭令協心贊

理聽候指揮在臣惟有恪遵

聖訓但竭心力辦理地方不敢有塵

睿念也所有奉到原摺理合恭繳謹

奏

頃覽拉錫所奏區畫處逐件俱屬妥協現命議政大臣

議行此建設滿城一事卿不必勞心前諭甚明其遵

奉母違

皇上同日又命查

奏爲奏明事竊惟考察吏治固在於歷事之後而鑒

別才具尤應於莅任之先是以臣於河東兩省屬

員當其初到地方每留心察核隨事策勉以期仰

奏副我

皇上造就人才之盛心茲查河南布政使趙國麟已於
雍正八年二月初八日到任訖臣見其辦事勤力
且能虛心善受不自滿假人亦和平謹飭雖有足
疾步履甚艱然藩司列在大僚所資者識見謀猷
足以振綱挈領非必如府州等官尚有趨蹌奔走
之勞也但其才具中等見事不能透徹臣與朝夕
密邇隨時隨事備細訓勵以期精進又山東布政
使孫國璽於雍正八年二月初二日到任訖其向

聞再日居官勤慎操守清廉臣所深信今蒙

聖恩優渥

簡用東藩益復感激圖報奮勉辦事但所虞者才情亦

不甚優由左積玩之習尤貴振作臣是以將東省

事宜逐條開單指示令其遵照奉行且恐其初蒞

地方未能周悉情形按察使唐綏祖久於東省諸

簡用務明白臣竝囑其協力同心和衷贊助庶幾均有

望所裨又山東糧道朱濡查於雍正七年十一月二

月二十九日到任春監兌事畢二月內赴豫見臣觀

其語言明晰似屬通曉事務但恐此中圓活未必

能錚錚自持任勞任怨臣亦面爲諄諭務當盡力竭誠毫無瞻顧不可沽邀虛譽上負少許聖明又山東濟南府知府楊在魁荷蒙上簡用來東該員先至開封見臣遂於雍正八年正月初十日到任臣觀楊在魁器識明敏才具似優臣與面語一切事宜俱能領會到任後凡所稟行措置亦皆井井有條若能始終不渝當爲大有造就之簡用人臣亦獎勵勗勉俾其鼓舞自奮冀與有成以上望恩各員均係到任未久容臣細觀後效據實奏聞再開封城守尉副都統白成額到任以來臣欽遵

諭旨剴切勸勉俾其實心任事白成額感頌天恩矢切圖報亦將所奉

聖訓敬謹告臣其應行事宜無不向臣商酌莅事數月睿鑒臣見其居官謹飭勤於操演兵馬亦能約束旗人奏地方相安從此竭誠奮勉自可不負人皇上委用之

隆恩臣仍留心規導務期仰副

聖諭所有白成額現在勤慎緣由理合一併

奏明伏乞

睿鑒謹

硃批諭旨

七

卒

田文鏡

奏

趙國麟等才具之長短優劣覽卿陳奏業俱備悉至開封城守尉白成額尚恐未能盡職今果若此殊爲可喜之事省朕幾許籌酌矣

皇上同日又

奏爲奏明東省營伍情形竝酌選題補人員仰祈

睿鑒事竊查山東一省路當衝要遠控海濱所有各營望瞻兵馬自應整飭練習以資實用臣於雍正六年九月間赴東巡視卽於經過沿途營汛查驗弁兵見其技藝生疎步伐參錯馬匹率多疲瘦臣隨照會

兩鎮總兵官又逐一面諭將備令其痛改積習加意整頓務將所管兵馬操演純熟餽養臙壯迨至回豫後節次嚴檄通飭冀有成效於雍正七年冬底分委豫東兩省營員逐加點看令其據實冊報嗣據各員查報登鎮所屬之左右二營膠州營卽墨營兗鎮所屬之臨清營臺莊營東昌營沙溝營以上各營馬步兵丁弓箭鳥鎗藤牌等項嫻熟次熟者多中平者少馬皆臙壯可觀又登鎮所屬之水師前營青州營武定營萊州營濟南營壽樂營兗鎮所屬之左右二營沂州營德州營高唐營范

縣營以上各營馬步兵丁弓箭鳥鎗籐牌等項嫻熟者少中平者多生疎者亦有馬匹臆分滿歉不
等又登鎮所屬之文登營寧福營安東營克鎮所屬之曹州營泰安營梁山營壽張營以上各營馬步兵丁弓箭鳥鎗籐牌等項仍多生疎馬匹亦無
臆壯各據冊報前來合之臣訪聞無異臣擬擇其營伍之最欠整飭者指名叅究但查內有甫經署事及莅任未久者其弛廢之咎多不在現任之員
臣每仰見我

皇上愛惜人材舉措用舍之間務得其平是以上體

聖懷暫予寬假除將兵丁技藝優嫻馬匹頭臆者行知獎勵其技藝平常生疎馬匹臆分不足者嚴加申飭勒限三箇月一律操演精熟餵養臆壯俟三月限滿臣再另委不徇情面之大員前赴點驗如其兵丁馬匹仍無改觀臣即將該管弁員指名題叅不敢少有縱庇惟是臣去東省既遠而登膠一帶地方僻處海隅尤爲鞭長莫及之勢其各營將領非得實心任事訓練有方堪以委託者莫由收指臂之效查膠州營副將張孟儀卽墨營叅將宋愛均爲勤敏強幹之員該員等於雍正七年五六

月內先後調陞東省今尚未滿一年而營伍改觀

實有成效至如文登一營海疆要地前任文登副

會謨原非朕賞鑒之人一則念伊勞效二則因卿於副

將內列為優等而登鎮一營缺一時又難得其選故爾就

未能整頓致文登一營兵馬僅止在於三等之末

近擢授今據奏稱在任四年因循舊習以致營伍廢弛

然則從前何以列名於優等耶當再三訓誡令伊竭力

天恩簡用封疆想其清夜捫心諒無不感奮竭蹶勉圖

奮勉以贖前尤倘不能後效之理而會謨亦自知其營伍廢弛急需幹員

即據實具奏以聞振作當經該鎮委令卽墨營叅將宋愛署理臣於

會謨到任時遂有諄札囑其殫盡忠誠上酬

高厚容當察其總兵任內倘或仍前因循不自奮勵臣

卽據實奏內

聞臣正欲將各營情形備悉入稟縣營

告茲欽奉其

上諭將宋愛調補汾州營叅將又華

命署理山永協副將事務所遺卽墨營叅將員缺奉

旨令

題補仰見我查

皇上慎重營伍必期人地相宜以收實效之至意臣查

宋愛之在東省

旨命山永協係邊要之地奉

旨命往署理涇亦未敢請留謹將所遺員缺再四酌選
查有河南南陽鎮左營遊擊楊鐸曉暢營務居官
皇上廉幹堪以補授卽墨營叅將其所遺南陽鎮左營
遊擊員缺查有山東兗鎮左營遊擊李登華臣前
旨今次雖經

命奏明該遊擊尚堪任使但以之幫助岳含奇恐未必
上備大得贊勳之力今請以李登華調補南陽鎮左營
遊擊其所遺兗鎮左營遊擊員缺查有山東沂州
協守備王之祿才技優長熟練營伍經臣於雍正
七年三月內

題補守備送部引職各該員具以站兵丁恣肆日
見奉 旨 欽 此 欽 遵 在 案 今 請 以 王 之

旨王之祿人甚去得效力行間著有勞績著行文田文
鏡遇有遊擊缺出題補欽此欽遵在案今請以王之
祿陞補兗鎮左營遊擊更必竭力圖報可以幫助
岳含奇整飭營伍其所遺沂州協守備員缺查有
山東高唐營千總路成年力精壯漢仗亦好會隨
睿鑿川陝督臣岳鍾琪進征北川西海桌子山各處著
奏有勞績堪以請補沂州協守備除另行恭疏

聖題補伏候山東營伍酌派人員一併恭疏

移審反爲營兵捏寫呈詞誑稱縣役黃星等與袁氏偕飲被營兵遇見觸怒縣役生計毒兵該縣張令聽信衙役虛詞捏詳等語屢次詳報泰安營叅將轉報兗州鎮臣岳含奇移咨巡撫衙門竝咨呈到臣該千總又因按察司批縣詳文有飭泰安州移營革糧嚴審取約束不嚴職名詳叅之語亦稱按察司不合在臬司爲一省執法大吏營兵如此不法其批移營革糧取約束不嚴職名詳叅有何天恩不合至臣忝膺總督管轄文武批令革糧該弁竟敢抗違不遵幾欲使督撫臬司亦不能懲治悍兵

聖意以爲不革名糧則有司不得而審捏詳縣令毒兵則將鎮必然主持可以挾制問官在該弁掩飾已過之罪猶小而庇護悍兵長惡之風實漸不可長今據山東布按二司審據蕭殷成馬守業等將強拉民婦採打撕衣以及鬧堂情由歷供不諱臣是以據實嚴叅請

旨革職嚴審究擬庶幾懲一儆百營員縱庇之習可除而兵丁亦稍知守法斂跡矣再兗州鎮臣岳含奇自知前此被其欺朦將千總馬紹援約束不嚴徇庇捏詳職名呈叅前來除將馬紹援繕疏

題叅併將據詳率轉竝不駁飭及未據揭報之歷任
兼轄叅將一併附叅外緣此案情節臣爲整除東
省營伍積習起見理合據實恭摺

奏明伏乞

睿鑒謹

奏

所奏甚是此案理應嚴叅示懲

同日又

奏爲恭懇

聖慈事竊臣至愚極陋遭際

聖明於雍正元年九月奉內
命署理河南巡撫因凡有進呈

奏摺旣不能親自繕寫又不敢假手他人經臣恭摺

奏懇請將臣婿湖南湘潭縣縣丞崔鏄掣回在臣左

右以供書寫仰蒙

聖恩俞允今臣現藉指臂

鴻恩異數固已感淪肌髓查崔鏄係臣妻所生長女之

婿尚有臣妾所生

任吏部員外郎存柱同爲部屬因將臣次女許字

與存柱次子薩來爲婚雍正三年臣任河南布政

司時薩來至署畢姻後卽回京臣女時因抱病未能借去迄今依留在側薩來係正黃旗滿洲杜太佐領下現克副護軍每月五班輪守員必律與京禁門旗人既不得遠至他省況當差行走非經文之聖奏明給假更不敢私有所往數年以來薩來遂未至豫其父存柱併其母俱經物故臣因視婿如子念其年齒尚少恐失訓誨思欲面爲教導俾得更歷世事知有長進且臣素性拘謹事無大小期於慎命重卽如酬應賓從傳述語言等類臣雖不必親歷聖明其事亦必欲得一骨肉相依誠實堪信之人以相

委託長婿崔鐸旣已代臣書寫事無兼顧而次婿薩來人頗樸直畧諳清字清話查護軍原非職官用是不揣冒昧仰懇

聖慈俯將薩來

此事卿何不早奏夫元首股肱君臣原屬一體有何不賞准隨臣任所一二載臣可藉以照應瑣細并得隨事可達之隱衷舉凡匿意而不自申皆緣見理未真隔於尊卑之勢耳
守駐防或遇緊要知會事件及各省將軍衙門來
咨用清字文移者竝可令其譯識亦復稍有所助

聖主臣以被

恩高厚自知身家悉荷

殊批諭旨

七

矣

田文鏡

生成無論公私悉皆仰賴

聖主是以舐犢微忱屢致上瀆

天聽熒熒下情伏惟

聖慈矜宥則臣世世生生永矢啣結矣臣無任惶懼戰

兢之至謹

奏

臣命薩來詣豫矣卿其留署訓誨但於召見之際審視
材器甚屬庸碌不堪卽伊父存柱朕雖未經識面觀其
罪案纍纍要非端人可知何乃與之結婚而選此一婿
耶薩來在旗乃一無用少年不必拘定一二載竟可久

留在豫俾令學習果稍有增進時再行奏聞然朕據其
資質而論確係愚詐無識之流豈特不足委託且宜留

心約束也

雍正八年四月十三日河東總督臣田文鏡謹

奏爲恭報豫省雨澤日期仰祈

睿鑒事竊查豫省三月初七初八以及十四十五等日

眷詠節次時雨滋沛田疇普渥經臣恭摺奏

聞欽奉

硃批覽奏豫省膏澤調勻麥已結穗穀黍俱長發茂盛

東省又已及時得雨朕懷曷勝慰悅都中自入三月

硃批諭旨

七

堯

田文鏡

實在新舊二項貯倉共二十一萬五千二百四十
九石零臣并檄行各屬轉飭各州縣正副社長加
謹收貯仍飭地方官不時稽查勿致侵缺至雍正
八年秋收後勸捐穀石俟有成數另於次年查明
奏

聞所有雍正七年分各屬實在捐貯社倉新舊穀石數
開立目理合恭摺密

奏伏乞

睿鑒謹

奏

豫省社倉緣奉衍得法年來漸有成效已有旨諭部議
敘矣想有聞奉衍善否尤宜體察

同日又前

旨奏為欽奉

上諭事雍正八年三月二十八日臣准吏部咨奉

上諭武昌道徐聚倫著臣於河東二省道員內酌量一

員與徐聚倫調用欽遵移咨到臣臣查豫省所屬道

備員內如河北道朱藻分巡三府職任修防該員吏

與治河工兼能整頓現據報丁母艱臣因要地幹員

難以拘於成例且有荆隆口開挑引河正資儻辦

業經會疏

題請留任守制現在恭候

諭旨不便改調又管河道祝兆鵬前任歸德府時臣見
員其辦事勇往勤於河務因管河道員缺蒙
恩垂詢經臣密舉給咨赴部引

見奉事奏五八平三八二十八日

旨補授乃該道始猶謹慎近竟頓改前操恣意貪婪指
稱完伊前任忻州虧空屢將屬員應領歲修搶修
銀兩勒借扣留而且發銀尅短甚屬不職臣已訪
察確實在據實另疏嚴參所有此管河道一缺

應俟屬員引缺與此道前次新發人衣雜用

皇上欽簡熟諳工程人員亦非徐聚倫所宜再如南汝

道統轄南汝兩郡光汝兩州界連江楚最易藏

姦民風刁悍素稱難治前任南汝道孫蘭芬振戢

有方稍知斂跡至其調任後正署迭更李英撫馭

乏術澆風漸長今自董自超到任以來親歷各處

天恩遍察利弊該道強幹精明不避勞怨可稱有守有

為矩正需其竭力督率以資整飭亦未便移易至

開歸道管理通省驛鹽糧務一切察除陋弊經理

漕運悉其專責合該道張建德係由衛輝府知府

補授開歸向在衛郡原係辦漕水次漕務本其熟諳而人又老成練達辦事精勤所以雍正七年漕米較前更早十月內卽行趲運出境仰荷
天恩將臣議敘准加二級在案是張建德之辦理漕糧現在著有成效臣實藉爲指臂必俟豫省人員內復有經理得宜之人可以接手方可移易又臣東省所屬道員內如登萊青一道駐劄萊州控制海疆且此數郡地方距臣最遠必得深堪委信之人方免鞭長不及之慮孫蘭芬調任以來加意振作約束屬員咸知凜畏況該道又係楚人亦難用於

原籍如克寧道呂維炳業經江南河臣孔毓珣題調准徐緣其現在勘估山東江南兩省水利臣復奏明暫留東省容俟此案查明定議之後再赴新任是呂維炳亦不便與徐聚倫調換如濟東道張體仁現在曲阜

廟工承辦緊要未可猝更如鹽法道楊弘俊甫經到任而東省鹽務該道於前任登州府時洞悉利弊今甫飭交辦理亦未便更易惟查有山東糧道朱濡到任未久辦理漕務未能妥協武昌尚屬簡易朱濡堪以調補蓋東省漕務向稱弊藪旗弁恣意

指索相習爲常臣於上年將應給旗丁運弁各項用費酌量給與其額外繁費概行裁革經臣奏明於奉

旨之後卽通行嚴飭并出示曉諭在案適本年二月內朱潘前赴水次有弁丁迎至中途冒稟朝城范縣觀城三處米色不純意在欺朦該道新任借此恐嚇各縣索足舊規乃該道並不親查但遣家人承差包取樣米呈驗并令收拾圓潔正墮旗丁之計遂爾大肆指勒及規禮照前索足仍將原米受兌是旗丁等之種種橫索皆由該道措置失宜之故

但該道未能約束失於覺察尚非贓私劣蹟似可奏觀其後效且河東兩省道員別亦無可移易是以請與徐聚倫相對調用是否允協

天恩出自

聖裁至徐聚倫行爲狂縱蒙聖恩不加嚴譴仍以道員調補自必感激圖報俟其由豫赴任時臣當詳指利弊嚴加訓導卽以東省整頓漕務之事責成於徐聚倫如果能實心任事辦理妥協不敢掩其所長倘或任性縱恣舉動乖張臣亦不敢庇其所短自當據實指參除另行繕

疏具亦不煩其詞或曰當難實洪洪宗紹是亦難
題外理合恭摺奏其詞是尚更其詞亦難
奏明伏乞之專責其亦合果實亦亦專權
睿鑒謹按其詞亦當其詞亦難其詞亦難
聖奏不唯其詞亦當其詞亦難其詞亦難
朱潘堪與徐聚倫對調所奏是有旨諭部矣將朱潘極
力訓誡然後命赴新任可也

同日又奏論其詞亦當其詞亦難其詞亦難
奏為查明歸淮河道情形仰祈
睿鑒事竊惟江南清口淮黃交匯有關運道民生上年

秋汛極大數次清水不能敵黃深厓
聖念仰蒙

皇上至誠感格保護平穩旋荷
頒發帑金加築高家堰石工瀦蓄清水逼溜刷黃誠為
萬年底定之計臣因淮水出湖既須激射衝流以
壯其勢而止源諸水亦必暢滙入淮共成其大然
後奔騰直注一往莫禦所有歸淮各河自應逐處
勘明經臣覆摺奏之聖鑒謹按其詞亦當其詞亦難
聞當於雍正七年十月內分委黃河同知今調任開封
下南河同知陳儀歸德府河務通判劉日章原任

虞城縣知縣李槃等隨帶丞簿各員分往南汝開
閘當歸四府六州等屬將所有歸淮河道一一細查有
無淤淺阻塞散溢之處確勘明白卽飭地方官疏
濬具報茲據該同知等勘覆前來臣謹按淮水發
源於桐栢縣之胎簪山洑流三十里泉源湧出是
爲淮井又洑流二十六丈成渠東注歷信陽正陽
羅山息縣光州固始入江南霍邱縣界滌泗豫省
計長五百八十里其全豫之水來與淮會者共計
二百七十餘道羣趨競赴於淮惟其遠近滙歸之
多皆有助清敵黃之力故必一律深通方能合流

奏效今查明上源各處悉屬暢達其間偶有淤淺
者各該地方業已遵照疏濬深通並無壅滯但豫
省上源循流貫注而下源之在江南境內者亦各
支支暢達則沛然滙湖可以飽蓄其勢併力抵黃
臣聞洪澤湖湖水出口之處有張福口裴家場張
家莊爛泥淺三岔河并天然天賜凡引河七道其
天賜引河聞前已淤淺自三月以來又復流通然
亦不甚深濶此皆淮水出口之處所關甚鉅若臣
移咨江南督河各臣誠恐地方各官視爲鄰省咨
皇上行之事未必實力疏濬仰請出師之費並與內

皇上敕下江南河督各臣將淮水出湖之處竝境內一切歸淮各河委官查勘如有淤淺處所立即疏挑并引河亦相機設法速治深通務俾暢流滙注如此則上源之水既盛出口之勢又強以之制黃而河流順軌以之刷口而積墊咸除矣謹將淮河自桐栢發源起至青口淮黃交滙處繪成總圖一幅竝將歸淮各河按照各州縣繪爲一冊臣敬裝潢成帙恭進

御覽伏乞

睿鑒謹

奏請嚴京師五之責主白景以等直員裴冬等覽奏窮原竟委究派尋支分合上下籌畫無遺具見卿慎重河防實心任事之意朕深爲嘉予但專力助淮主見固是倘淮水過盛其間亦恐有未虞非經督河諸臣詳查妥計何可草率施行蓋言利尤宜先慮其害也候交河臣議覆有旨欽此欽遵奉批下諭內詳據發官黃隋同日又具半餘稟請賑六兩直民每各存半餘稟備奏爲通行條奏事雍正七年閏七月內臣准戶部咨開大學士公馬爾賽等條奏直省各州縣令於大鄉大村人居稠密之處設立講約所在舉貢生員

聖諭

內揀選老成有學行者一人以為約正選樸實謹
守者三四人以為直月每月朔日齊集耆民宣讀
廣訓其約正每年給廩餼銀六兩直月每名每年給廩
餼銀六兩六錢各於該年地丁銀內按數給發官
吏侵尅者查叅治罪奉

旨依議欽此欽遵移咨到臣備見我

皇上陶淑下民範圍斯世無不極其

恩施優渥臣即通飭遵照去後行據闔屬祥符等各州
奏縣選克約正之貢生白景易等直月生員裴珍等

呈稱景易等生當不備亦非未道稟請不呈以禮

盛世時際齊人共濟水師心以狀非難咨文

昌期沐雨澤被萬民對恩實心宣布感贊齊衆其

聖主之深恩舉不呈辨隨此查請除一不奉旨日八

熙朝之曠典蠲免正賦遴選賢才重農勸稼行慶施仁

當此時和歲稔正思圖報無由今蒙選充約正直

貢隨月自應勉力趨公敬謹宣布所有廩餼銀兩籲請

備免給以安葵藿下忱等情又據祥符等各州縣申

懇慈稱竊念各生懇辭廩餼雖由誠心感激但卑州縣

皇上等膺茲民社荷蒙以公費恭薦於

皇上隆恩賞以養廉給以公費浩蕩

鴻慈有加無已況宣講稟前報由藩司恩惠由臬院轉

聖諭

命以宣講不計其數又難保其各州縣中

廣訓實有司分內之事此項廩餼銀兩固不敢動支地

下銷耗錢糧亦不敢俯聽堅辭仰虛費衣帛五箇

熙盛典卑州縣等情願於養廉內照數捐給以盡司牧

聖主之責等情各呈報到臣伏查講約一事奉行已久

昌臣為州縣時曾按月按期實心宣布遍傳齊集其

始雖則有人其後漸亦稀少臣是以知非講者之

不力實由聽者之不前亦非未設廩餼不足以鼓

天恩舞講約之人實由聽講之人不能每月朔望齊集

大抵一年之內止可於春仲秋末冬初農功告竣

乘隙宣講故豫省約正直月懇請免給廩餼雖出

肫誠究亦知村鄉講約實有不能按月按期舉行

如式者無功食餼良有未安況約正直月既於舉

貢生員內選擇克應率皆守分讀書衣食不乏之

人原無藉於廩餼合計直省州縣一千四百有餘

其中大鄉大村應設講約之所者知復何限應給

廩餼每年不下數十萬兩在我州州縣亦不啻

皇上深仁愷澤下逮旁流舉凡有益於民萬世果

皇國計民生者輒不惜費帑金用以垂利萬世然果能
實在舉行不致虛糜閭閻黎庶欣欣無倦臣亦何
敢謬有異議但臣身親其事目覩其情今以歲費
國帑數十萬金於無益之地雖經廷臣議定臣實不
敢明知而因循茲既據約正等懇辭廩餼各州縣
又復情願捐發臣思村鄉講約歲之中不過春
仲二月秋杪九月冬間十月未計此四箇月
每月朔望宣講共有八次其約正直月承應之日
甚少不妨本業似無庸議給廩餼況各州縣俱蒙
天恩賞有養廉公費等項其約正直月每逢宣講月分

即該州縣酌量捐酬為數無幾實皆情願在選克
之生員等亦復義有可安而正項錢糧竝無濫銷
侵尅之弊臣不揣冒昧另疏具陳以人非淺識
題庶各省督撫見臣據實奉旨勅諭之人報明來京
奏明亦必仰請更定均無瞻顧之慮而經費各有樽
皇土節矣是否允協伏乞聖鑒
睿鑒謹

上奏事
所奏甚屬可嘉無庸另疏具題即將此摺交部改本頒
發諭旨矣

同日又

奏為欽奉

上諭事雍正八年四月初五日據臣齎摺家人回豫捧
春鑒到

皇上發下前任河南布政使費金吾保薦原任彰德府

知府胡泰一摺欽奉

諭旨胡泰係費金吾於六年奉旨保薦之人昨伊來京

陛見復又言及其人可用卿以為何如人耶欽此竊

思進賢退不肖乃臣子事

君之大義我

皇上求賢若渴圖治彌殷為人臣者若不能仰體
天心舉所當舉而劾所當劾其負

恩孰甚負罪孰甚臣查原任彰德府知府胡泰乃一柔

姦之小人習成巧宦之態度外似明白和平中實

詭譎難問其在彰德府任內凡委以公務無一實

心辦理者是以臣當日就其徇庇武安縣唐紀虧

空一事其為奸舉殊具未詳附奏其詳

天題參而其中原委有原疏所未載者謹另單備細臚

列恭呈

御覽惟是費金吾於臣之劄摺以

題叅胡泰徇庇虧空之後卽以已經密保胡泰情由告知於臣并言所保不得其人惟恐

天語下詢求臣善爲回奏臣當日但知費金吾怕叅胡泰徇庇專爲保舉起見未料胡泰復有虧空且其中有如許情弊迨後臣察知原委而唐紀虧空之錢胡泰虧空之穀業已完足臣因事屬已往費金吾又人尚明白老練堪爲國家效力若以之查覈豈非濫竽充數乎天題叅未免可惜臣是以中止此臣徇庇之咎實所難辭也臣每以人材難得惟思曲爲造就收效臂指

卽或其事有不得不叅而其人尚有可用者又未嘗不仰請

天恩格外錄用費金吾前在臣處旣深懼所保之非今在

聖主之前又仍奏其可用臣雖不知其何心但胡泰如奏此存心行事而費金吾謂其居官敬慎有守有爲豈有猷臣實未敢信也臣受

恩至深賦性至拙惟知恭憚爲子君父之前一字不欺一私不涉况人材之賢否蒙

聖主之垂問臣又何敢稍爲附和不敢據實直陳以蹈欺

聖主罔之罪也謹遵
旨覆奏所有欽奉
殊批諭旨及原摺一併恭繳伏乞

睿鑒謹

奏

覽奏其中情節業俱備悉費金吾是誠何心也日前對
朕尚云卿因一時之怒將胡泰叅劾後復深惜其人等
語伊料朕必以其言爲準斷不更詢於卿而爲是僥倖
之舉耶殊屬可笑朕初謂費金吾難以憑信卿第盛言
其好令竟何如雖然老成歷練伊實有焉亦安可沒其

所長姑試用看

雍正八年四月二十七日河東總督臣田文鏡謹

奏爲奏明東省藩庫平餘仰請

聖鑒事竊照藩司衙門錢穀總匯儲財賦以裕

國用所關綦重收發出納之際必須矢公矢正詳慎

彈兌不可絲毫重輕致啓弊竇茲據山東布政司

奏孫國璽稟稱該司抵任後接受陞司交代據冊開

平餘銀二萬五千二百六十兩零一項本司未悉

平餘始末隨經面問陞司費金吾據云自雍正六

年七月二十一日到任起至雍正八年二月初二

日卸事任內支放過正項耗羨共銀六百九萬三千餘兩共平餘銀三萬兩零除用去銀四千九百餘兩已經自行

奏明外尚存銀二萬五千二百六十兩零此項平餘雖無定數然每平約有七八錢不等等語本司隨將陞司所交在庫銀兩傳同庫官抽封彈兌費金吾未到任以前收存銀兩有每百兩恰符正數者有每百兩餘一二錢至三四錢不等者至費金吾任內則每百兩有餘三四錢至五六七八九錢不等者本司起初猶以爲收放之間零星擠出平餘

即在向日一八耗羨之內及細加查核究詰乃知聖鑒東省向來一八耗羨今蒙

皇上特賜蠲免二分止照一六耗羨州縣除扣留公費及解費外其餘耗羨全數解司此項平餘實在昔年一八今年一六耗羨之外且又不便明加令庫官高下其手每平暗含此七八錢以符平餘之數皇上在州縣則因解司時有此項平餘是向之一八者實需一六今之一六者實需一七若多徵自民則恐上司之提封抽兌劾以重耗若實止一六則此項平餘無從出辦且查此項平餘惟支送巡撫

養廉布政司自支養廉及放撫標兩營兵餉俱係原平竝無平餘外其他收放之間輕出重大方得有此平餘之數我一六皆實需一六皆冬燭自月皇上屢沛如天之恩蠲免動盈數千百萬此項平餘卽使每平俱足八錢每年不過二萬餘兩且又高下其手難爲準則若留此項名色則州縣徵收錢糧難以一六耗羨遵行謹備敘實情稟祈裁奪其昔皇奏請蠲除州縣起解錢糧照依河南俱聖鑒將此平餘一項豁除州縣起解錢糧照依河南俱令按準庫平自行滴珠本司於收兌時督率庫官

聖門釐毫不許多重至支給各營兵餉亦照依河南俱奏以所收州縣庫平原封給放毫無輕出重入之弊一應州縣徵收錢糧俱得約束令其遵奉

恩旨一六徵收如有絲毫重徵嚴加叅核從重治罪如此則上下畫一不獨各州縣易於遵守而東省黎聖意庶不至暗增重耗感激涕零於新省州縣賦稅皇仁永於千萬世矣倘蒙賜書蠲免之俞允本司將各任交存在庫銀兩竝本司到任後所收銀兩逐封兌准將所有平餘數目另行造冊詳請奏明候克公用等情到臣臣查正雜錢糧絲毫爲重

奏職司筭鑰固應樽節經費惟是本無平餘而必設
此兩名以重入者為收兌之餘以輕出者為支放
備之之餘貽弊滋累豈堪為法此甚非所以仰體我
皇上加惠元元清理財賦剔蠹釐姦之

聖意也今孫國璽請將平餘豁除照依豫省州縣起解
錢糧按準庫平各令自行滴珠藩庫支放兵餉即
恩旨以原封給發庶州縣徵收錢糧俱得令其恪遵一
六徵耗是否允協謹據實奏合其數奉

聖明裁鑒謹奏
奏明伏乞
聖明裁鑒謹

論奏
此舉甚善諸凡貽弊滋累之陋習自應釐剔淨盡勿留
端緒
奏同日又

天奏為奏明東省道府倉監穀仰祈
睿鑒事雍正八年四月二十一日
旨自濬來札云日前湖北撫臣費金吾入
覲旋東道及東省府倉分貯穀石可以不必多貯從前
旨分發州縣之穀可以免其運回存貯監穀照依常
奏平一例糴三俾免陳腐之虞等情曾經面

奏奉

旨令與督臣確商具奏今費金吾以抱疴未痊由濟寧
隨就水路赴任想其面奉之疑亦可以不必交覆矣前
旨自當敬錄馳達不知此案應如何定議覆

旨惟祈裁示等語致字到臣臣隨查費金吾自入覲
天顏回東曾兩次致書與臣其前項倉穀

奏奉

諭旨緣由竝無一字言及今山東撫臣岳濬既以此詢
是湖北撫臣費金吾必經
奏明或以病中未曾敬錄

諭旨示臣臣謹將此事原委據實備細奏

聞仰請

聖鑒臣查東省倉穀於欽奉

上諭事案內據費金吾在山東布政司任內按照州縣
軍衛所大中小酌貯穀石不足者將穀價撥買有餘
者將穀價撥出其濟南青州萊州登州四府原存
奏監穀照前收貯未買穀價提貯司庫經臣會同撫
臣岳濬據詳具

題奉

旨依議欽遵在案迨雍正七年十月二十五日據費金

殊批諭旨

七

六

田文鏡

吾詳請將兗寧道及濟青萊登四府現存各州縣
穀一十三萬四千八百九十石零卽存貯各州縣
免其運回以省脚力每年

奏銷於各州縣倉內登明道府款項造報等情詳臣
核

題臣隨批云從前道府設倉積穀自有深意竝非爲

現今買撥之各州縣而設況東省倉穀已經遵
旨酌量州縣大小均勻分派奉

旨依議通飭遵照在案今若再令德州等三十三州縣
衛分貯道府倉穀一十三萬四千八百九十餘石

多寡參差與均勻派貯之

諭旨有悖且兗寧道監穀已撥三十餘萬石濟青登萊
四府捐米折穀已提解價銀一十五萬有奇較原
貯之數亦俱減少不便再行分撥況濟青二府從
前請撥州縣分貯奉部嚴駁該司於派買案內各
府報買穀石現在實貯竝無那移卸責等語是該
府等倉穀俱係實貯府倉設彼時已分撥州縣該
司何不將抗違勒派職名開報又何以不將此項
穀石造入州縣存倉數內一併均派今經一載突
以道府運回需費混請分貯甚屬不合仰卽嚴飭

各該府著落違例勒派之員速行運回府倉收貯
仍查明有無抑勒屬員短發價值情弊開具侵扣
派買職名報叅其撥借兗寧道倉穀亦卽飭令受
借州縣運送道倉取倉收送查等語此臣批費金
吾請分貯道府倉穀之詳也又於雍正八年二月
初八日據費金吾詳登萊青三府存貯監穀除新
穀外其舊穀共二十二萬四千三百餘石已存貯
十餘年或二十餘年雖無霉爛俱屬陳久不便再
備旨爲堆貯詳請
題明出糶於秋後買補新穀以備積貯如糶價每石

不敷三錢著落雍正元年至雍正六年之正署各
知府分賠如秋後買穀時價每石出於三錢之外
應於存司耗羨銀內添補等情臣隨批云存倉積
穀自應隨時出易以免紅朽今登萊青三府倉穀
竝不早爲經畫以致陳久將腐叅賠亦復何辭况
此項穀石原係收捐積貯竝非當日每石發價三
錢採買者可比今稱買穀時價如出三錢之外於
存司耗羨內添補殊屬不合飭再另行確議詳報
恩旨此臣批費金吾請糶登萊青三府陳穀之詳也迄
今任催未據詳覆是以尚未具

題臣思分買監穀欽奉

恩旨照時價添給者因從前原照三錢一石發價所以照時補給今存府倉穀乃從前收捐之項非三錢一石發買之穀典守各官不早爲悉心經理致積久陳腐是誰之過若所糶之價不敷秋後之價自應著落從前不出易之各知府分賠豈得以價過三錢一石請動司庫耗羨添補至登萊青三府爲邊海要郡而青州府又現設滿洲官兵駐防實與他郡不同積貯寧使過於克裕不可稍有不足查登州府均派案內原報貯穀十三萬一千三百石

零未奉部覆之先又買穀二千六百三十九石零共穀一十三萬三千九百餘石據冊開分貯州縣穀四萬六千九十餘石止存府倉穀八萬七千八百餘石萊州府均派案內原報貯穀一十八萬八千三百餘石并續買穀五千九百餘石未奉部覆之先又買穀一千八百餘石共穀一十九萬六千一百餘石據冊開分貯州縣二萬三千四百餘石止存府倉穀一十七萬二千六百餘石青州府均派案內原報貯穀一十八萬九千三百九十餘石未奉部覆之先又買穀三萬二千八百餘石共穀

二十二萬二千二百餘石據冊開分貯屬縣二萬七千二百餘石止存府倉穀一十九萬四千九百餘石臣查此三府倉穀存貯充裕若各減去數萬石雖不爲少但所屬州縣已按大中小遵

旨均勻派足亦不便再加況分貯州縣有多至五六千石至一萬石以上者今若以府穀而加貯於州縣是但有便於勒買之知府使之脫身全不爲後來承接之州縣計及也再濟寧爲水陸通衢兗寧道存價未買穀除撥發各州縣買穀三十三萬一千二百餘石該道衙門惟存原穀并剩價買穀共七

萬五千七百餘石據冊開分貯各州縣衛二萬六百餘石止存穀五萬五千餘石雖該道衙門存穀亦不爲少但州縣各又加增數千石不等俱浮於原定之數且中衛原議貯穀五千石如東昌衛本該貯穀五千石今反分貯道倉穀四千八百餘石幾至加增一倍此實有未便者臣今再四思維各州縣應貯穀石已按大中小酌定其分貯道府之穀數止千石以下者猶可聽其分貯竟作州縣貯倉之穀其多至數千石及萬餘石者州縣衛實亦不便多貯應否飭令運回或以道府現存倉穀不

少令分貯之州縣於出陳易新時將此穀石糶價
提貯司庫俟有動用再行發買至如萊州府之掖
縣登州府之蓬萊縣皆近在同城竝無遠運之費
應仍歸府倉不得分貯屬縣亦無庸糶價解司再
積貯本爲地方至計久積難免紅腐此項監穀自
應照常平倉之例於春月青黃不接之時存七糶
三輪年出易旣於民食有濟又於倉貯有益臣謹
繕摺恭

奏伏乞

聖裁批示以便欽遵另行具

皇題謹願
天奏伏乞
費金吾業經物故前項倉穀卿與東撫岳濬酌商妥協
而爲之可也其餘人之見原無足憑況所區畫又不合
宜耶

天恩雍正八年五月初六日河東總督臣田文鏡謹

奏恭請

皇上聖安

朕安

知卿精神體氣健旺如初甚爲欣慰但已年近古稀切

殊批諭旨

七

奎

田文鏡

勿逞力自矜於一切處慎重愛惜爲宜莫辜負諄諄訓諭之意可也

皇上同日又

奏爲恭謝

天恩事竊臣接准部咨奉日所東諭旨出文難難上諭北河總督印務

命臣暫行兼管除另繕

奏本恭謝

天恩外伏念臣至愚極陋莫效寸長仰蒙皇上眷顧逾格矜全備至而頻歲以來豫東兩省咸荷

聖主昭格

天

祖錫福臣民是以年穀豐稔黃運安瀾臣幸際其盛藉免

隕越然每念兩省機務至重至繁臣雖夙夜凜惕小心從事但智識短淺誠恐措置一有未當精神或有未周豈准覆餗滋譴上負聖明抑且對影抱慚有靦面目乃蒙皇上不以臣爲菲薄委任日隆復

命臣兼管北河臣實益增感泣蓋此總河一官轄豫東天東兩省黃運湖河堤岸工程上關心民隱良來

殊批諭旨

七

七

田文鏡

天庾之儲下繫民生之重查勘督率必須親身來往修
命防搶護尤賴指示機宜目下伏秋屆汛尤爲緊要
皇上之時我

皇上精誠默契河嶽懷柔自可保其循軌安流永慶底
定惟是總督衙門事宜勢難離署辦理如臣前歲
巡歷東省各房書吏帶至百十餘人各項文卷拉
載三十餘車今兼管北河奚能周歷調度隨途辦
事況臣於河務機宜實未曉暢但蒙
聖恩垂鑒
命臣暫行兼管而且傾軛

宸念恐有懷挾私怨之人作姦滋弊嚴頒
聖諭體恤周詳跪讀

溫綸淚與聲墮臣雖草木具有微知臣雖犬馬矢當場
力惟有盡摠愚誠殫茲心血以期仰報
天恩於萬一耳所有感激微忱合先恭摺奉

奏謝伏乞

睿鑒謹日又

分奏奏事
卿勢難兼顧朕豈不知蓋因一時不得其人而然也昨
命范時繹往署河督之旨甚明卿封疆責重祇可恒居

總督任所坐理一切指授機宜耳范時繹今番若不竭力奮勉以贖前愆則非人類矣大抵於此任自必相宜俟其受事後試觀心行若何據實奏聞朕另有裁奪
睿鑒同日又

奏爲欽奉

上諭事雍正八年五月初三日臣准部咨奉

上諭南河總督印務關係緊要著尚書嵇曾筠前往署理北河總督印務著田文鏡暫行兼管欽遵移咨到
望備臣除恭摺奏謝

天恩外竊惟河務重大臣旣仰邀鴻施

恩命卽當受印視事以便嵇曾筠交代起身前往新任但查黃河北岸封邱縣所屬荆隆口地方素稱險要近因黃流從黑堽口迤下自南而北三十餘里大溜頂衝直注荆隆口奔騰浩瀚勢如建瓴衝塌河崖離大堤僅五六十丈不等經河臣嵇曾筠親往勘度查自黑堽口迤下起至柳園口陡崖現有引河形勢急宜開挑導水東注可以永保無虞河頭河尾計工長三千三百五十丈於本年三月內會同亞等臣所奏奏全在開挑之一部計外計宜題估崇面動撥河銀分委廳汛員弁興工儻挑令河

身業已挑挖告竣惟俟汎水一至即可開放以慶
底績臣查引河奏效全在開放之一時指授得宜
則乘機導注享利無窮若調度偶有未合不但無
益工程而且運道民生胥受其累臣於開挖引河
大槩僅得之傳述實未親身經歷不敢自信河臣
嵇曾筠於開放引河則已數經其事熟悉機宜臨
時調度悉出萬全今荆隆口引河爲垂成緊要之
工必得藉其指示開放收功頃刻爲久安鞏固之
計況時已仲夏汎水尅日可至而嵇曾筠亦爲開
放引河現駐工所大工未竣不能放心而去是以

臣與嵇曾筠面相商酌俟其開放引河之後再爲
交代庶險要有可藉之人而工程無意外之虞且
此旬日之間凡有河務重大事件緊要工程竝得
就近臣與悉心籌酌庶接手辦理頭緒亦清臣因
荆隆口爲自來最險之地而開放引河實千萬年
底定之工不敢不慎重其事是以冒昧

奏請

聖慈仰祈

恩允俯俟河臣嵇曾筠開放引河後再爲接印視事伏

奏懇乞

殊批諭旨

七

卷七

田文鏡

睿鑒謹

奏

所請甚是既有緊要工程共相籌酌便多留數日亦無不可

同日又

奏為欽奉

上諭事竊照山東兗寧道呂維炳經原任江南河臣孔

毓珣

題補淮徐道奉

旨俞允其兗寧道缺

命臣會同揀選題補嗣臣因呂維炳現在委勘山東江
皇南兩省水道請俟勘估事竣再令前赴新任仰蒙
聖恩俞允茲呂維炳於四月二十一日勘畢回署其一

應修濬建築等工容俟河臣嵇曾筠再行親勘商

確定議會疏具

旨題呂維炳勘估已竣應遵員內缺數限額並因京師

旨令其前赴新任將兗寧道缺揀選題補惟是兗寧一

道管轄運河千有餘里又有曹單兩縣北岸黃河

堤工并分巡地方之責員缺甚屬緊要臣於兩省

道府內幾經酌選非人地不甚相宜卽本任原係

要缺未便移易甚難其人惟查有山東兗州府知府王鴻勳前任河南鄭州知州係濱河要地該員才具幹練辦事勤敏雍正七年三月內兗州府知府員缺奉旨著臣於河南山東兩省屬員內揀選題補臣因兗郡事繁賦重兼有督率疏濬運河之責當經疏請補授蒙

恩俞允該員任事以來感激

皇仁實心整飭努力任事若以補授兗寧道缺洵為駕輕就熟甚有裨益臣與河臣嵇曾筠面商意見亦

俱相同但查伊父原任通州知州王友直拖欠侵去欺銀兩無可著追應在該員名下解任追賠經山東撫臣岳濬據情

奏請仰荷

皇上如天之仁從寬免其解任其代伊父賠補銀兩亦酌量著豁免竝

命傳諭勉為良吏該員感淪肌髓圖報彌殷正宜在知府任內黽勉效力況其由知州超陞知府甫及一奏載令如以之

題補道員似屬過驟臣因遲回至再未敢輒行疏恭

題然員缺緊要此外又難其人不揣愚昧謹繕摺恭
奏仰請 聖裁

聖裁如蒙內閣核奏其由時以該員前次一
天恩俞允竝懇 聖裁 臣等聞 聖恩 竊謂 聖恩 宜 宜 宜
頒降 著 著 著

諭旨以便欽遵 臣等為吏治河防起見是以逾格 懇 兩 亦
奏請 伏 乞

睿鑒 謹

奏

克寧道 缺從前 嵇曾筠曾薦托克托海以為人地相

宜今覽卿奏但云以王鴻勳補授之處與嵇曾筠面商
意見相同而竝未言及托克托海朕觀二人似屬皆可
卿等就中酌量允協者具題請旨惟期要缺得本何論
陞遷之遲速則例之合否耶日前保題之論原料卿等
自必仍保托克托海非謂托克托海不可用而命另揀
別員也恐錯會朕意故諭及之

雍正八年五月十七日河東總督臣田文鏡謹
奏為引河開放成功萬年永慶底績事竊查荆隆口
地方挑挖引河計工三千三百五十丈地險工長

奏明俟開放引河後河臣嵇曾筠再赴南工正在祇
候

聖諭茲於五月十六日據河北道朱藻稟稱河頭河尾
工程已於本月十五日一律告竣甫完畚鍤卽於
十五日戌刻汎水陡漲二尺六寸漸至三尺有餘
與河頭崖岸相平該道卽差員飛赴荆隆口稟請
河臣嵇曾筠協理河臣徐湛恩齊至河頭督率廳
營各汎員於十六日子時乘勢開放暢流奔注頃
刻深通查河面原開寬十餘丈今已刷寬至二三
十丈不等原開深九尺一丈不等今已刷深至二

恩者三丈不等迨至十六日辰刻卽有重載客船從新
河來往駕駛莫不共頌神速等語臣查河頭河尾
甫於十五日完工而不先不後卽有汎水陡至自
戌至子計汎到開放未逾三時而萬年底定之功
成於指顧此皆由我

皇至至誠至敬昭格

天眷

祖神明默相垂利無窮兩河億萬蒸黎咸登衽席羣戴
皇仁所有引河開放成功緣由理合恭摺奏

聞仰慰

殊批諭旨

七

百

田文鏡

聖懷再引河既經開放臣候河臣嵇曾筠到省便當接

皇旨印嵇曾筠即可馳赴南王合併恭附奏

奏明伏乞 天恩 聖鑒謹

奏

皇奏

覽奏荆隆引河開放成功深慰朕念

同日又

奏為據實奏懇

聖恩事竊臣荷蒙

恩眷高厚無比自惟竭此衰鈍仰酬萬一臣自病愈之

後雖飲食如常而精力未免稍弱所恃藥餌早晚

資補以時調攝但本處醫家既乏精曉之人而他

聖備省延來者又皆名不符實是以臣前此抱病惟恃

聖恩按察使陳世倅開方調治曾經

奏明迨至痊愈之後陳世倅仍復時為診視迄今所

服藥方劑皆其加減殊有裨益但臣與臬司分關統

屬時常出入礙於形跡今蒙 聖恩

聖恩署理藩司事務更繁若以醫道分其身心亦存未

賜諭宜蓋以之處暫則可以之處常則不可也臣屢囑

陳世倅訪求良醫又復難得其人因言伊有胞弟

陳世倜者係浙江甲午科舉人現寓都門明晰醫
理臨證亦多可以邀其來豫留住臣署臣隨囑其

聖恩遣人相約茲陳世倜接到陳世倜家信云禮部侍
郎錢以塏業經將伊保舉助教現在祇候引

見等語陳世倜既係部臣保舉之員臣又何敢妄希延
奏至惟是臣身仰荷刺世倜臣等領事今

聖恩顧復有加無已屢蒙
聖諭諄至加謹調攝臣亦何敢不重自保護在陳世倜

深知臣之脈氣營衛又熟悉其弟之用藥治方可
以信任調補伏念臣受

恩最深無事不蒙

垂鑒不揣冒昧仰懇

聖慈俯將錢以塏保舉之助教陳世倜

賞發給臣俾得留於署中長有相資診視之人則從此
犬馬不衰之年皆出

聖主恩賜之日也再陳世倜係大學士臣陳元龍堂姪

倘蒙

俞允竝懇

賜諭陳元龍即可令其束裝赴豫合併

奏明伏乞

硃批諭旨

七

重

田文鏡

睿鑒謹分

有旨諭部令陳世倌來隨伊兄陳世倌任所學習行走
矣到豫之後可以資其診視但慮兄弟二人醫道未必
便無同異至陳世倌係奉朕旨醫卿原可明宣於衆出
入督署亦復何礙之有其遵諭行無庸避此形迹

雍正八年五月二十三日河東總督臣田文鏡謹
奏為欽奉

聖訓據實覆奏事雍正八年五月二十二日據臣齎摺
家人回豫捧到

皇上硃批

諭旨於臣請以兗州府知府王鴻勳補用兗寧道缺摺

內欽奉

硃批兗寧道一缺從前嵇曾筠曾薦托克托海以為人
地相宜今覽卿奏但云以王鴻勳補授之處與嵇曾
筠面商意見相同而並未言及托克托海朕觀二人
似屬皆可卿等就中酌一允協者具題請旨但期要
缺得人何論陞遷之遲速則例之合否耶日前保題
之諭原料卿等自必仍保托克托海非謂托克托海
不可用而命另揀別員也恐錯會朕意故諭及之欽

不此臣查山東兗寧道缺與河南管河道缺先後俱
奉

諭旨命臣會同河臣嵇曾筠揀選題補臣因兗寧一道
不但管轄黃運堤工并有分巡地方之責必須諳
悉河防而又曉暢吏治者乃克勝任兗州府知府
王鴻勳久於河工曾任鄭州濱河要地歷陞知府
和州才識幹練其於山東兗寧道缺可稱駕輕就熟至
河南管河道缺專理河務無地方之責托克托海
在豫日久熟練河工辦事勤敏其於河南管河道
缺亦為駕輕就熟臣與嵇曾筠數次面議相同是

聖恩以擬將王鴻勳請補充兗寧道托克托海請補管河
道其嵇曾筠摺薦托克托海可為兗寧道之處竝
未向臣言及所以臣

奏請王鴻勳補用兗寧道摺內未將托克托海敘入
奏聲明今蒙

聖諭命臣二人酌一相宜者具題請
旨但托克托海等已經會同具

旨題請補河南管河道缺在案其兗寧道缺王鴻勳洵
聖裁為人地相宜謹將原委備細

奏明可否將托克托海補授河南管河道將王鴻勳

奏補授山東兗寧道伏候對河南督何鳳翔王懋燾
聖裁除遵此旨宜難辭不委尚縣

旨具請辭河南督何鳳翔王懋燾其兗寧道何鳳翔王懋燾
旨題外爲此繕摺請旨會同具

旨謹命引二人酒一醉宜各具醴醑

奏覽賜全案

如此可謂人缺各得其宜矣

同日又

奏爲其請會同具請引京并武河爲兗寧道之謝並

聖恩之垂念彌深臣心之感激難已欽奉

聖訓謹再據實覆奏事竊臣前奏恭請

皇上聖安摺內欽奉

硃批朕安知卿精神體氣健旺如初甚爲欣慰但已年

近古稀切勿逞力自矜於一切處慎重愛惜爲宜莫

辜負諄諄訓諭之意可也欽此臣伏讀

聖諭恭聞

聖躬乾健

景福日隆犬馬下懷欣忭無旣至臣過蒙

眷顧

天語春溫仰承

硃批諭旨

七

頁

田文鏡

訓旨感激涕零竊臣以去冬不自慎重感冒風寒上厯宸念

君父篤愛之懷有加無已臣每切不安撫心自疚是以聖訓恪遵

聖訓加謹調護春後漸次痊愈而精神體氣均得復初

皇上鴻慈垂注

臣自奉命一聞聖訓重愛計為宜莫

訓諭叮嚀雖慈親之於愛子無以喻其懇摯臣何人斯

皇上仰邀

聖訓

顧復至於此極在臣有生之年悉為報

恩之日敢不欽凜

聖諭一切惜養庶藉衰鈍之軀少效駑駘之力但臣左

腮頰上素有舊疾近今三四年來每春輒患腫痛

即從腮內出膿數日旋愈率以為常今春亦復腫

發却於頰外出膿之所尚有小孔未經收

瘻口忌風射入臣倍加謹慎前因疾同疥癬未敢瑣

天恩瑣奏

聞惟是

天恩深渥淪浹肌髓臣現延有外科加意療治今已將

開次平復至重之身體較之昔年稍弱實已別無他

殊批諭旨

七

覽

田文鏡

訓旨 恙相應據實具奏仰慰之昔年蘇德實日限無所
聖念伏乞俞允賜諭引與或育代採吐意熱命今与
睿鑒爲此繕摺恭謝

天恩謹奏

聖奏月忌風掠入丑前吐蠶動前因幾同衣燕未郊與
卿體無恙朕懷深慰惟宜加意調攝凡爲封疆太吏者
當思此身出爲國家實力下爲蒸黎造福愛惜保護凡
百酌量精神而動不至勞乏致疾方謂能遵朕訓汝其
謹謹毋違 昔養息蘇京輪之銀少於驚謂之代出
恩之雍正八年六月初八日河東總督臣田文鏡謹

上奏爲恭報豫省雨澤日期仰祈

睿鑒事竊查豫省五月十四十五十六十七等日節次

奏得雨分寸透足情形經臣恭摺奏

聞茲查開封府屬地方於六月初二日未時至申時得

奏雨四寸初三日未時又得雨四寸而各屬州縣亦

睿鑒於六月初二三四等日各得雨三四五寸不等四

奏處調勻沾被所有高糧穀黍棉花芝麻雜豆等項

大恩均各滋盛非常民間欣望有秋謹將得雨日期分

聖慈寸恭摺奏于 古 潘 育 時 欽 正 月 十 六 十 七 十 八 等

聞仰慰山東各屬州縣育時欽正月十四十五等日

聖懷再山東各屬州縣有報於五月十四十五等日得
雨四五六七寸者有報於五月十六十七十八等
日得雨七八九寸以至四野透足不等者合併
奏明伏乞 聖鑒謹
奏雨四十七日未報又得雨四寸而各屬州縣亦
節序已屆季夏正當大雨時行之際惟恐過多耳何須
奏報沾足
奏為欽奉 諭旨 欽此
同日又 諭旨 欽此

上諭事竊 臣 接准部咨奉 諭

上諭福建巡撫員缺著河南布政使趙國麟補授河南

布政使員缺著河南按察使陳世倬署理河南按察

使印務著田文鏡委員署理欽此 臣 隨轉飭欽遵茲

查趙國麟於本年五月十七日卸事其布政使印

務陳世倬當即接受署理訖該員補授按察甫經

載今復仰荷 聖 天恩簡署藩篆陳世倬感激涕零

天恩簡署藩篆陳世倬感激涕零

聖慈彌矢圖報 臣 益策勵有加務令殫誠盡職上副 聖

隆眷至所遺按察使印務 臣 查豫省所屬道員內如河

劉省北道朱藻目下伏秋屆汛一切河工堤岸正資督
望慈率稽察未可刻離南汝道董自超所轄地方界連
天恩准楚近因汝寧守費謙流丁憂離任現又委其兼
攝府事彈壓緊要亦不便調赴會城惟查開歸道
張建德監兌漕運爲期尚早該道又駐劄在省隨
就近委令兼署所有河南按察使印務臣謹遵
旨委員署理緣由理合恭摺
奏明再趙國麟忠厚謙謹臣甚愛之敬之惟辦事尚
土備欠閱歷不能裁決悉當臣見其虛心善受隨事詳
土備明指導期與精進今蒙

恩簡任巡撫臣念福建爲濱海要地習俗刁悍兵民狡
求黠緩輯爲難臣昔佐縣閩中最所深悉趙國麟雖
自閩藩調任風土情形諒亦畧諳惟巡撫職任封
奏疆振綱挈領肅清吏治贊畫軍戎更非藩司可比
畧鑒趙國麟誠樸和平安靜有餘而風力經濟尚覺未
奏逮是以臨行之際臣諄諄勉以嚴明白持整飭爲
旨務甄察屬員懲戢姦暴寬嚴互濟冀得上副
聖明委任之重臣緣受

恩深厚圖報時殷不但本省屬吏訓勵最切每遇各員
遷陞別省臣於其地方事宜苟有所知必爲備述

原委確指利弊總期吏治民生均有裨益以無負
聖恩茲趙國麟已於六月初三日自豫起程赴濟寧州
聖恩候升之重臣受

旨臣謹此併圖員類雜姦暴實難正衡莫替土臨

奏明伏乞 聖恩之烈並轉錄以報聖恩自茲登道為

睿鑒謹 圖總編對味平吏輔亦給而風代縣商費未

奏 聖恩之烈並轉錄以報聖恩自茲登道為

覽奏知道了命趙國麟莅任閱撫實係不得已之舉朕

求賢若渴普衷向誰告耶 聖恩之烈並轉錄以報聖恩自茲登道為

恩簡通政使革職從寬留任並留保謹 聖恩之烈並轉錄以報聖恩自茲登道為

奏臣閱邸抄見因四川道員職守不專

皇上特頒諭旨令嗣後將所轄州縣命盜錢糧各案

俱由道員申轉以專職守臣查山東有濟東道

轄濟東二府直隸泰濱武高濮五州登萊青道

回轄登萊青三府直隸莒州一州兗寧道轄兗州

奏為一府直隸東平曹沂三州凡所轄州縣之命盜

同錢糧各案俱直達兩司並不由道審理申轉亦

與四川無異再聞各省中道員亦多有不由其

審理申轉事同一例應請

敕下各省督撫畫一遵行以專職守伏祈

皇上聖鑒臣謹奏

聞

留保條奏之摺發來卿看其是否之處酌議奏聞

同日又

奏為覆奏事雍正八年五月十五日據臣齋摺家人

回豫恭捧

皇上發下通政使臣留保條奏一摺奉有

硃批臣欽遵查得守巡各道職任監司所屬州縣刑名
皇錢穀案件若止詳藩臬而不申報道員則道員於
地方事宜無案可據雖有統屬之名竝無稽督之

實殊非設官本意伏讀

上諭令四川各州縣案件俱由各道申轉所以飭吏治
而重職守者

聖明固已無微不至也向來東省州縣命盜錢糧等案

除分報撫臣及臣衙門并布按二司外仍申報該

管道員至事關糧務鹽務驛站河工之叅案則各

由專管道員會同藩臬司審轉是東省州縣各案

原係申報道員隨事可以查察非如川省州縣全

不由道申轉毫無關涉者可比惟是各省命盜等

案州縣止申報道員而不解道審轉者誠以藩臬

兩司爲通省錢穀刑名總滙故定例錢穀由藩司
審轉刑名由臬司審轉而各道分守分巡但令稽
察督催而不與以審轉之權其經畫定制之初良
有以也在藩臬雖云總滙然錢穀刑名各專其責
今若以州縣錢穀刑名案件俱令各道審轉縱所
轄非係通省而本任專管之外加以錢穀刑名任
望則兼藩臬之事卽有肆應之才恐亦日不暇給況承
審案件多一衙門則多需時日多一審轉又多增
土餉案牘上下申移頭緒愈繁且人犯多拖累之苦解
役多守候之艱而各道盤查巡歷或差委公出亦

皇素不能常在署中解到人犯未能卽審押禁等待益
慮疎虞滋弊道員向無承審之責招案多未練達
姦胥或因之而舞弊刁犯或藉此而狡展輾轉稽
備旨延非徒無益伏思命盜錢糧歷經州縣府司逐層
研審方解督撫再加親鞫成讞可謂詳且慎矣似
土餉不必復令道員審轉多經中手故各省州縣命盜
錢糧率不由道審轉此亦勢使然也臣試論東省
府道員內如濟東一道通省驛站馬匹錢糧是其綜
核登萊青道整飭海疆全資巡歷兗寧道管轄黃
運河正千有餘里疏築修防事尤繁劇卽豫省道

員內如管河道任重宣防開歸道辦理漕務兼管
通省驛鹽河北南汝兩道或兼吏治河防或任分
巡彈壓其於所屬命盜錢糧東豫兩省道員竝難
責其審轉再臣恭繹此亦特吏然也臣請備東省
上諭四川州縣案件俱令由道申轉竝未有令道審轉
之審式輒替燕再賦縣薛丸爛可謂藉且刺突以
諭旨而東省各屬案件現皆申報道員豫省亦然是職
守竝無不專所有留保請將州縣命盜錢糧由道
審轉之處似無庸置議臣謹據實覆奏未縣
奏是否有當伏乞 聖鑒人外未請唱審味禁養并益

皇上睿鑒謹
奏
分剖甚屬明悉可卽繕疏具題俾直省各督撫咸知卿
有此議也
望恩同日又
奏爲郡守才不勝任據實

奏明仰請
睿鑒事竊查東省萊州府知府王榮賜前任河南新鄉
台令縣令臣因該員爲人誠實辦事勤慎經臣
具題補陝州知州送部引

見奉蘇州府知府

旨俞允該員於雍正七年正月內到任陝州卽於本年
春鑿五月內奉旨陝州知府王榮賜
旨補授萊州府知府臣於其赴任時又面加訓勵王榮
奏賜感激

聖恩亦自言力圖報效及其到任以後臣察知辦理郡
務竭蹶不遑臣因其初爲知府民情庶政或未熟
悉復隨事訓飭不憚諄諭切指該員雖深自奮勉
奏向上無如限於才智迄今一載未見整飭之效甚
皇上覺勉強臣恐所聞未確又復致詢撫臣岳濬亦言

奏該守人雖樸實稽其政務接其言論誠難勝任等
聞合語臣思萊郡海疆臣等旣察知王榮賜難勝斯任
何敢因循貽誤但王榮賜居官尚屬謹飭可否遵
照甄別知府之

上諭請將王榮賜以在京部屬改補所遺萊州府員缺
備旨仰懇東兩省人員內不

聖慈另簡能員補授庶邊海要郡整飭得人倘蒙

恩允臣與撫臣岳濬再當合詞具請

題至東省登青二府亦屬濱海地方其署登州府知
府姚庭槐經臣由膠州牧請實

題請署理登郡試看勝任再請實授茲查該員到任
未久雖無循卓出人之政亦無曠廢職守之愆尚
思亦須再為試看青州府知府廣壽經臣由汝陽令欽
聖慈遵簡詣員既對熟數要職整頓得人尚業
諭旨於豫東兩省人員內不拘資格

上題補青守到任以來雖辦事盡心才稱其缺但氣質
稍粗舉動未能悉協亦須化誨涵養此二員者容
臣與撫臣岳濬不時察查覘其後效另行據實奏

聞合併
奏明伏乞
聖慈

睿鑒謹
奏
所奏皆是此萊郡
聖
奏
所奏皆是此萊郡
聖

聖
奏
所奏皆是此萊郡
聖

奏為奏明事竊惟學政
守最為清要必得矢公矢慎衡校嚴明俾鑽營倖

進之徒無以施技逞姦則內外肅清諸弊可杜茲

查河南學臣吳應棻今已歷試彰衛懷開四府臣

奏見其衡文課士
保之外增用認保互相覺察於考校則飭拏鎗手

殊批諭旨
七
稟
田文鏡

題密加巡緝以防傳遞於文章則屢加覆試詳審筆
跡於武場則合觀技藝細加甄取凡其錄進擯斥
悉皆精當不爽尤能督率提調送考等官謹凜襄
事綜理周密無可窺伺夤緣是以士論輿情翕然
稱頌至其體度峻整裁事和平更爲寬嚴悉協臣
奏與學臣同事地方資其整齊化導共勩於人未輝
聖治匪旣察知吳應棻政績卓著理合據實奏
聞再查東省學臣蔣蔚勤慎明白其劣生積欠錢糧竝
聞奏自來多事者訪實卽行黜革考察教官尤無姑容
睿鑒蠶切學政士習均能循分整飭相應一併

奏明伏乞 聖 旨 訓 示 欽 此 謹 奏

奏以備委用欽此

覽奏俱悉但吳應棻素非如此人也品行多屬不妥
似流入鑽營奔競之習近年以來始覺奮志改勉朕尙
知其底裏令心行果否如示久暫有無異同卿再留意
驗視具奏以聞欽此

同日又十四日總員本五只八廿全何大留盡出

奏爲奏明程家寨工程危險并搶護平穩緣由仰祈
睿鑒事竊查祥符縣南岸程家寨月堤地勢窪下大河

睿鑿水趨南岸原屬險要經前河臣嵇曾筠鑿平大
題估邁埽加鑲在案時屆伏汛又值大雨時行該工
於六月十四日驟長水三尺八寸全河大溜盡注
該工埽外水深三丈一二尺不等堤埽蟄陷臣飛
飭署開封府知府劉永錫上南河同知陳儀下埽
搶救竝調河營備弁及別汛兵夫埽手齊集保護
并差臣標把總及在省試用效力人員咸赴工所
以備委用緣十五六七等日河水日長共計五尺
睿鑿五寸勢湧溜急新舊埽箇漸次漂走堤外水深四
丈五丈不等巨浪洪濤奔騰衝激難以下埽惟有急

諭旨 加裏戩以爲後衛隨於十七日面委署布政使陳
世倬多帶錢文赴工分發買土適河北道朱藻至
聖對省臣因其平日熟練工程辦事竭力隨又面授機
奏宜委令協辦朱藻到工即將員弁分派執事不辭
聞地勞怨晝夜嚴督夫役儻築防護臣於二十日親赴
該工查看督率自十八日起至二十日辰刻水已
飄消落三尺查險工八寸餘丈之內舊堤全刷者止
十餘丈汕去十分之六者六十餘丈其新築裏戩
現今寬有六七丈不等高與舊堤相等人夫共有
七千餘名晝夜趕築加幫高厚而堤外之水止深

一丈六七尺護崖埽箇俱已下齊現在疾僂簽加
夫椿粗纜工程可保平穩其善後事宜臣細加斟
酌并搶修工料另疏具咨六部其疎築堤
題外所有程家寨工程危險及搶護平穩情形理合
恭摺奏請
聞此外黃運兩河工程伏汛將過均屬平穩合併
奏明恭慰
聖懷臣因該工水勢平緩裏戩外埽均已指示趕辦復
嚴諭在工大小員弁分督兵夫星夜僂修完固臣
卽於二十一日回署辦事再管河道員缺前奉刺

諭旨令臣與前河臣嵇曾筠揀選
題補臣等因上南河同知托克托海在工年久熟悉
河務而又時屆伏汛不便乏員隨一面委護道篆

題請實授臣以托克托海必當殫心竭力奮往向前
豈期於此等要匪不思急爲搶護反因朱藻到工
心懷嫉妬退縮不前查托克托海自十六日到工
之後曾具稟到臣第言水勢汹涌竝不言及在
彼如何搶護如何督率臣已疑其不悉心經理隨
委署按察司鹽驛道張建德赴工查看托克托海

竟隨協理河臣范時繹安坐一旁張建德差人邀
伊看立不至隨又詣其坐處云工程何等危險如
何在此閒坐托克托海答云我在此看守裏頭埽
又云沒見朱藻分派單子張建德隨將分派單子
交給托克托海插入靴內仍然端坐不動張建德
問覷見其玩工形狀因云護道在此陪坐我看工去了
范時繹隨云我們也同去看看未幾托克托海又
聖懷回原處安坐總之督率稽察搶理之事托克托海
嚴絕不在意至在工夫役托克托海亦不約束查察
備言其有乘晚逸去者竟置不問經朱藻將一夫頭責

懲夫役始凜然不敢偷閒臣查該工危險異常職
奏事員弁人役猶知凜惕上緊而托克托海獨不以
險工爲念一味妬才嫉能挾私廢公若不嚴行叅
究則在工人員無所懲勸臣是以繕疏

題叅不敢自避保題失當之咎而稍爲劣員回護也
至協理河臣范時繹奉

旨令其防汛稽察臣於初見之時聽其言論似屬明白
竊鑿私心竊喜謂可助臣不逮今值此險工未見有督
聞繹率之方稽察之明如玩工之托克托海連日侍坐
皇上其旁而不知督責其才識已大槩可見矣臣蒙

皇上恩遇至深委任至重臣不敢不據實具併奏業

聞統祈之式器察之門收工之非京非城數日皆坐
睿鑒爲此謹喜附回也臣不敏今前此劍工未見有曾
旨奏其初凡器察之門收工之非京非城數日皆坐
據實組參聖無回護朕深爲嘉與托克托海如此玩誤
工程竇屬太奇所以云小人之志不可以常情測度也
題本到日另有諭旨

同日又念一
奏爲奏明事竊臣所住衙署最後一院有樓房七間
東西廂樓各三間臣因此樓閒曠無人居住遂於

樓後供設家堂香火早晚掃除之外卽將院門扇
鑰茲於六月十七日早家人換點香燭將所用火
煤紙不知誤遺何處未及查看鎖門而出及至飯
後忽見樓房煙起啓門入視火已燃上頂榻窗櫺
其梁柱年久枯燥見火卽燃頃刻之間樓頂塌下
聞因遂將火勢壓住惟東廂樓爲火燄所射亦卽塌下
所幸是時無風兵役各攜救火器具協同家人登
皇土時撲滅附近之西廂樓并兩耳房俱未延燒至臣
所住正房及堆貯文卷處所相距更遠竝無燬失
此雖臣之家人不戒實臣供職多愆以致火災示

皇上警然樓房高敞當火起之初樓頂立即塌下不致
火燄遠及須臾即熄則又仰賴我東嶽並無焚犬
皇上福庇所賜詎惟有省躬思過益加凜惕夙夜不懈
而已所有題署失火情由理合據實奏回案人登
聞因所燒係數間空房並無燬失文卷未敢具本題報
合併掛平人故欵具火哨燃與候之間對面欵不
奏明謹具對面欵或智門入顯火日燃土前歸窓露
奏欵將不賦與欵何欵未及查香餘門而山又至題
此等事何必具本題報據云火災示警等語朕意默默
中事最難知從來聖賢之所不能免者或化大為小亦

未可定惟於方寸間切勿存怨天尤人之念

雍正八年七月初八日河東總督臣田文鏡謹

奏為河工需員甚殷仰請撥補文臣溫燾未人員

聖恩簡發以備差委事竊照黃運兩河工程均關緊要

時厘籍未盡咨暗題辭共情四十籍員與查查

睿念指示修防匪蒙又書題辭事回餘代查員

皇上殊恩雖題辭咨暗查制對辭

特命掌管北河印務夙夜兢兢惟有恪遵茲代人員冊

聖訓倍加謹慎期於河流安瀾堤岸鞏固上慰聖不消

聖懷第河道綿長事務紛繁如修守防險稽察攢督在

殊批諭旨 七 田文鏡

聖對在需員而管河同知通判及沿河州縣又例應
聖題補非諳練河工不足以供任使非在工學習不能
裁命驟至諳練今查前河臣嵇曾筠移送效力人員冊
皇上開已經取結咨部者除陸續

查題補竝現在委署及告假緣事回籍外僅有二員在
工其餘未經咨部取結共計四十餘員現在查取
聖恩家道殷實印結其是否俱係殷實尚難懸定況皆
係州同州判縣丞主簿雜職及生監微末人員多
係到工未久於修防事宜全然未悉止可在工學
習奔走且為數無多若不敷用臣思河防重務必

命須多得人員預為學習庶臨時差委不致乏人遇
皇上缺亦可量才委署

題補臣謹仰懇

聖慈敕部在於候選候補同知通判知州知縣內人
簡發十員赴北河效力雖此等人員平日未歷河干河
務非其通曉但得明白勤幹之人在工學習自可
望其進益以備差委再效力人員例應取本籍家
奏道殷實印結如蒙

俞允

簡發人員到工臣即遵例查取印結咨部留工效力合

硃批諭旨

七

臺

田文鏡

簡發併聲明伏乞
睿鑒謹

奏

河工效力人員候朕酌定有旨
諭部人員回懇本辭案
同日又
簡奏為恭請
簡發人員以資吏治事竊照吏治在乎得人而用人必
因其材臣查豫省數年以來屢蒙

皇上簡發各項人員

命臣酌量委署試用使地方所出員缺即可因地量材

委斟酌委署實於地方吏治均有裨益今查試用人員或經

題署或現在委試所餘不過數員而其才情識見僅
表在中平止宜於簡小地方若緊要繁劇州縣缺出
即乏人署理是以臣每遇一要缺即審酌再四難
得其人至於同知通判常多差遣公出又有陞遷
皇土事故其所管水利糧務督捕等事亦需人署理若
令知府首縣護理未免不能兼顧臣謹仰懇

聖慈於在京候補候選同知通判知州知縣內
簡發二十員到豫俾得就中酌選量才委署不致臨

簡發期乏人可收臂指之用如內有才猷敏練識見老
聖慈成試有成效者臣又可於應題要缺酌量

題補臣仰體

皇上慎重地方造就人材至意謹繕摺亦請人

奏請伏乞

睿鑒謹

奏

亦候酌定有旨

同日又

奏為程家寨工程穩固再行

奏明仰慰

聖懷事竊照祥符縣南岸程家寨前因汎水驟長大溜

直射漂汕堤埽隨經臣將工程危險及搶護情形

皇上恭摺奏

聞今查該工自六月十八日起水勢漸次消落又對岸

切去灘嘴四百餘丈溜歸中泓隨督率人夫晝夜

僱築裏戩今已一律完固堤外又下護崖埽及沉

木大埽密簽長椿倍加粗纜僱做堅實今險下移

復於下首加裏戩鑲防風以資捍禦而該工西首

又得迴溜之勢水緩沙停逐漸淤成嫩灘全將埽

壩包裹查七月初六日探量得頭壩水深僅四寸
六寸不等中壩水深五寸下壩水深七寸伏查該
工前此北高南低勢如建瓴埽外水深四五丈不
等洪濤衝激危險無比今竟大溜北趨埽外淤出
嫩灘再遲數日即可淤平似此危險呼吸之勢轉
關今為至平極穩之工皆由我
皇上至誠感格

天

河神默佑因而化險為平如此神速然臣不敢以工

程已幸平穩稍為懈怠惟嚴督在工人員更加謹
慎將南北兩岸堤埽各工先事綢繆務期鞏固再
山東運河自六月十五日起至二十六七風雨交
作宣洩不及濟寧嘉祥鉅野魚臺汶上等處湖河
亦有漫溢今幸天氣晴霽水漸消落臣已飛飭道
廳等官上緊修堵并將緯道墊妥務使回空糧艘
奏遣行無礙其一切應修工程及動用存庫盈餘夫
錢之處容臣確核另日回京詳請聖恩文發
奏合併聲明伏乞

睿鑒謹

硃批諭旨

七

真

田文鏡

奏

當茲雨水過盛之際概宜加詳加慎爲之

雍正八年七月十五日河東總督臣田文鏡謹

奏爲彙奏東省被水州縣并陳賑恤事宜仰祈

睿鑒事竊照兗州府屬之滋陽濟寧曲阜魚臺金鄉汶

上曹州屬之嘉祥鉅野等八州縣於六月二十四

五六七等日連得大雨又汶泗二河水勢漲溢民

間房屋以及窪地田禾不免被淹坍塌損俱經臣據

報飭司委查隨恭摺奏

聞今續據濟南府屬之歷城長山章邱淄川齊東新城

兗州府屬之泗水嶧縣寧陽東昌府屬之聊城堂

邑朝城范縣莘縣冠縣青州府屬之樂安臨淄直

隸沂州東平州并州屬之東阿直隸泰安州并州

屬之新泰萊蕪直隸莒州屬之蒙陰東平所等

天示十四州縣一所各報稱本年六月二十一至二十

六七等日風雨交作山水陡發河水驟長平地水

深數尺傍山臨河處所并窪下地方房屋多有倒

塌田禾不免被淹除飛飭山東布政司委員確勘

其被水情形聽撫臣岳濬

題報外並查東省濟寧等州縣連朝大雨雖日期間

有先後參差總在此旬日之內以致山水河水竝發一時容洩不及是以山隈水涯及低窪地方水勢漫溢田禾難免被淹而民間又多係草房土墻本不堅固所以易被坍塌損然此雨水過多皆臣奉職多愆日風

上天示儆臣據報之下不勝悚惶惕懼伏思

皇上愛養黎元無所不至雍正三年山東雨水偶多上

廛

聖念特頒

諭旨詳察生計蕭條升斗無資以及田地被淹不得收

獲房廬倒塌不安厥居者一面賑恤等因欽遵在案其時被水窮民咸沐

皇恩不致一夫失所今濟寧等州縣被水村莊不無資

聖慈生無策之窮民可否將生計蕭條升斗無資以及

田地被淹不得收穫房屋倒塌不安厥居者動用

皇恩存倉穀石賑濟大口每月給穀三斗小口每月給

穀一斗五升各給兩箇月口糧貧民可不致有乏

皇上食之虞再其中或有極貧之人雖給以倉穀餬口

皇上有資而無力修理房屋棲身無所可否於藩庫克

公銀內每戶酌給銀一兩五錢以爲修理房屋之

費則被水窮民咸得安居粒食共戴浩蕩之風
皇仁於無既矣如蒙
皇上俞允臣卽檄飭藩司并令該管道府督同地方官
實心詳察給散務期
皇恩下究民沾實惠此臣愚昧之見應否如此辦理伏
候
聖裁再運河水勢臣委官查勘現今已經消落臣嚴飭
皇
道廳汛員修補緯道不悞糧艘回空黃河兩岸工
程甚屬平穩豫省秋禾高粱早穀早黍現在刈獲
甚恐

聖懷合併奏

聞謹
恩奏
所奏是卽照議作速辦理仍另有諭旨今歲直隸各省
被水處甚多非此山左此數州縣皆緣朕躬偶失調攝
不能克盡孜孜勤敬之道而又悲痛吾弟怡親王溘逝
未免有傷

天

和之所致實朕之咎非卿等之過也至若卿等於臨民
莅政之際有無寬猛失宜緩急不當亦自應悉心體究
我君臣期共修省以感格

殊批諭旨

七

彙

田文鏡

天心而已

雍正八年七月二十五日河東總督臣田文鏡謹
奏為敬推

皇仁奏請

睿鑒事雍正八年七月二十二日臣接准戶部咨文因
江南河臣嵇曾筠奏報黃運兩河水勢情形欽奉
上諭將邳州宿遷桃源等處

恩賜賑濟又因山東發水之處民間田舍亦被損傷
特命撫臣岳濬遴選賢能官員查勘動支庫銀速行賑
濟并應行蠲免錢糧之處確查奏

聞等因臣查東省州縣夏秋之間連降大雨山水河水
一時竝發容洩不及至有漫溢臣陸續據報隨經

兩次恭摺具

奏乃臣查東省州縣夏秋之間連降大雨山水河水
一時竝發容洩不及至有漫溢臣陸續據報隨經
兩次恭摺具

奏摺未到之前已蒙

聖明遠照濤光溢地臣聞知
皇恩之大又愧微臣聞知

奏報之遲隨即移咨山東撫臣岳濬并飛行山東布
政使孫國璽欽遵速行在案今查山東被水州縣

除並前此聖恩數次行各案今查山東新水災
奏明外又續據濟南府屬之齊河濟陽青城肥城鄒
皇恩平兗州府屬之鄆城城武鄒縣濟寧衛東昌府屬
益都高苑
博興壽光諸城臨朐萊州府屬之昌邑濰縣高密
直隸泰安州屬之長清直隸武定州濱州并州屬
之蒲臺霑化直隸曹州并州屬之曹縣直隸沂州
屬之費縣郟城直隸東平州之平陰壽張直隸濮
州并州屬之觀城直隸高唐州并州屬之禹城直
隸莒州并州屬之日照沂水等三十八州縣二衛

各申報被水情形到臣計前後共七十州縣三衛
奏所臣思該州縣衛所各呈報被水雖其中自有輕
重不等而一州一縣之內其村莊亦各有高下之
殊然現在委員查勘所有新舊錢糧似應暫緩催
皇恩徵統俟查確之日分別應免應徵奏

聞請
旨至被水較重之州縣衛所確查實在窮民遵
旨賑濟其被水稍次之州縣查明酌借倉穀其被水較
天恩輕之州縣將存倉穀石暫行出糶以平市價如此
旨增則民力可舒民食有資數十州縣黎庶咸沐浩蕩

之另代河務凡食資博十城熱聚也水散散
天恩於無既矣臣敬推遵不勝出繼以平中置吸北
皇仁不揣冒昧前面粉商撫臣岳濬斟酌料理具水轉
旨奏務體轉重之忱得請池翻查實亦與凡暨
聖心使被災窮黎均沾實惠不致一夫失所以仰副我
皇上保民若赤之至意臣謹繕摺奏

聞伏乞 聖鑒謹

奏 已有諭旨矣

聞 雍正八年八月初四日河東總督田文鏡謹
奏為敬陳黃運兩河工程仰祈

睿鑒事竊臣猥以菲材荷蒙 聖恩掌管北河河道總督印務奉 命以來惟有凜遵 聖訓敬謹從事茲查豫省南北兩岸險要工程臣已嚴
飭道廳等官相機料理加意防守現在堤埽各工
俱保護平穩惟舊日大堤尚有卑薄之處前雍正

三年奉 旨增卑培薄彼時因尚非險要暫緩加幫今連年伏秋

旨曾汎漲堤外漸次淤高堤身漸覺卑矮必須急爲增
修與前此增卑培薄之工一律高寬則汎至無虞
臣現飭管河河北兩道擇其應修者親勘確估俟
估報到日臣一面具摺請旨查核各工
聖題一面動帑興修務於來歲桃汎前完工以資捍禦
命以再東省運河前因水勢漲漫緯道多有殘缺糧艘
聖恩正在回空刻不容緩臣卽飛飭兗寧道王鴻勳動
撥支庫貯節省夫價速爲分發修墊使回空無阻經
奏臣恭摺奏
聞臣思運河爲糧艘經行要道不可不悉心經理今雖

已修殘補缺不誤回空然其間有先經

旨題估而詳報尚被水估難以興工者亦有續請興修
奏雖據估報尚應確勘者均宜相度形勢斟酌機宜
分別應緩應修次第舉行爲一勞永逸之計臣已
回籍遴委在豫熟諳河務之員前往東省通行查勘俟
奏該員回日臣擇其緊要之工再飭兗寧道王鴻勳

皇上覆勘確估具

題請

旨總之詎受未當請於辭辭具

恩深重固不敢不嚴加稽察杜屬員之捏冒侵肥亦不

恩深敢因循苟簡致工程之臨事周章但臣智識淺陋
日懋恐措施未當謹先繕摺具

奏伏乞

皇上聖鑒訓示遵行爲此謹

奏請員回日其製要之工再請京寧王照
區畫已屬合宜無庸再訓之員而并東省無不查辦

同日又

奏爲遵

旨覆奏事雍正八年六月二十三日接准部咨內開欽

奉

上諭歸德營參將員缺著祿鼎坤補授賞銀一萬兩令
其帶往河南爲伊置產搬家及往來盤費之用欽此

又於本年七月十一日接署兵部尚書臣三泰左

侍郎臣永壽等字內開奉

旨爾等寄字與田文鏡將祿鼎坤交與田文鏡留心教

導伊若在河南置產著田文鏡委員代伊料理欽此

皇恩仰見我

皇上以天地覆載之心弘造就生成之德懷柔竝至教

天恩養兼施臣欽遵

諭旨將一切營伍事宜悉向祿鼎坤面加教導又敬宣

皇上參養優待之事宜悉向歸鼎坤而此等善文婚宜
天恩及代為料理置產委曲周詳之

聖意祿鼎坤感激之心及豈能上知之亦對案並至
皇恩喜出望外其置產之處臣現委歸德府知府萬國

宣就近料理務期妥協至祿鼎坤業於七月二十九
日到歸德營參將任臣復諭調任參將孫弘將

營伍情形及該將在彼整理之處一一告知臣仍
當留心隨時教導所有祿鼎坤到豫及委員料理

其置產緣由理合繕摺覆奏又查來營費之用除地
土奏伏乞營參將員婦善類鼎坤對賞賚一萬兩合

睿鑒謹

奏

據奏祿鼎坤已抵參將任知道了料理甚好

皇上同日又

奏為覆奏對工鞏固以

聖訓事雍正八年七月二十五日聖齋摺家人捧回臣

奏程家寨工程穩固摺內奉有

硃批臣伏查黃運兩河關係運道民生時屢工器具

睿念臣蒙

聖恩委任悉心料理隨時調度已將委員查勘并請動

硃批諭旨

七

夏

田文鏡

聖恩用節省夫役銀兩修築東省運河緯道緣由恭摺
奏念具業

奏現今白露已過汎水自此漸應消落各處工程俱
報平穩臣惟有欽遵

聖訓倍知詳慎督飭在工大小員弁謹小慎微極力修
防務期堤工鞏固以仰副我

皇上殷殷教誨之

聖意所有奉到原摺理合恭繳謹

奏

覽奏汎水漸消工程平穩朕心深慰

雍正八年九月初一日河東總督臣田文鏡謹

奏為兩省河務重大敬遴協理之員仰請

聖裁事竊惟黃運兩河攸關運道民生我

皇上時廑

睿念指示修防績底平成臣蒙

聖恩掌管北河河道總督印務敢不殫精竭慮敬謹從

事以仰副我

皇上任使之

聖意惟是修防之法全在未雨綢繆而相機經理尤須

親閱情形並職守封圻未能遍歷各工往來查看

殊批諭旨

七

稟

田文鏡

誠恐先後緩急調度失宜必得一熟悉河務有才
望意有識可以深信之員與臣相助爲理不必臣親自
皇上到工一如臣之身歷其地平險宛在心目方可斟
酌機宜次第料理庶於河工有裨臣查河北道朱
藻才幹明敏洞曉河務身任勞怨毫無瞻顧事前
識平險之機臨事得調度之法凡修理工工程動用
錢糧無不嚴查確核帑無浮冒工早完固卽如雍
正八年三月內荆隆口估挑引河一案該道寢食
奏工所督率員弁兵夫晝夜僱挑於三月二十二日
興工五月十五日告竣是日汎水卽至立時開放

頃刻成河又如六月內祥符縣南岸程家寨月堤
汎水驟長全河大溜盡注該工新舊埽箇漂走堤
岸坍卸危險異常臣面授機宜委令該道赴工協
辦該道卽一身兼任分派執事同署開封府知府
劉永錫等嚴督員弁兵夫僱築裏戩又以北岸暗
灘突出逼溜南射委員帶領兵夫切去灘嘴幸溜
走中泓戩堤築起埽外淤成嫩灘工程穩固又該
工東首舊堤於六月二十三日四更時巡堤官兵
稟報大漏一處孔穴如桌面寬大河水平噴激堤外
勢甚汹涌危在呼吸在工員弁兵役莫不驚惶無

措該道正在督築裏戩聞之飛奔至前站立漏孔處所挺然不動急呼家人兵役飛持隨帶綿衣綿被并令各夫擡土填塞其時在工夫役見該道履險如平咸奮勇爭先一擁而至隨將漏孔填塞得免潰決凡此化險爲平功成神速固皆仰賴我皇上至誠至敬感格

天祖

河神默祐所致而朱藻於此數事亦見其有膽有識不辭勞瘁若以之助臣辦理實於兩省河工大

裨益臣受

恩至深感

恩至切日夜思維無可仰報惟此以人事

君之誠拳拳於中是以不揣冒昧恭摺具

奏可否將朱藻

特賜加銜協理河務

鴻恩出自

聖裁再前此辦理程家寨險工各員弁著有勞績者容

容鑒臣另摺奏

聞外所有河務重大敬遴協理之員理合據實繕摺奏

殊批諭旨

七

稟

田文鏡

聞請仰祈
睿鑒謹

奏

據奏以朱藻加銜協理北河所見是候另旨諭部

雍正八年九月初四日河東總督臣田文鏡謹

奏為奏明東省賑濟事宜仰祈

睿鑒事竊照東省被水州縣屢奉

恩旨賑恤令臣等斟酌料理仰見我

皇上軫念黎元不使一夫失所之至意臣前因被水州

縣有報稱房屋倒塌者誠恐其中有極貧之人雖

給以倉穀餬口而無力葺屋棲身無所是以仰請

皇上格外天恩每戶給銀一兩五錢以為葺屋之費荷

蒙

聖恩俞允在案今於九月初一日接到部咨內開撫臣

岳濬奏稱確勘成災者約有六十餘處每處災民

多者二萬餘戶少者亦有萬餘戶房屋倒塌十居

六七若概以每戶十兩五錢散給統計所需不下

百萬兩之多應分為上中下三等極貧者每戶給

銀一兩五錢次則減為一兩再次則減為五錢核

實酌散無不均不徧之弊等語臣查報水各州縣

其成災不成災之處雖尚未據布政司取結詳報然陸續接閱各道府州縣來稟并面詢因公往來員弁及差往查看之員大概不致有成災六十餘處之多而成災之中又有輕重不等每處災民亦多寡不一臣現據鹽法道楊弘俊稟稱查過德平災民七百餘戶商河五百餘戶卽此可見各州縣聖恩被災實在窮民不皆一二萬戶之多撫臣所奏每處災民一二萬之語乃未經查實僅據州縣之率皇上報而約畧言之也至各處倒塌房屋亦非一概十居六七而倒屋之家更非盡皆無力貧民前據督

糧道徐聚倫稟稱如所塌係租住之房則與住者無涉房主既能賃房其家不貧可知何庸議賞或前恩房共七八間而倒三四間房共五六間而倒兩三間房共三四間而倒一間儘可棲身何庸議賞又如倒塌房屋本戶現經修葺不致棲身無所以及紳衿富戶與有生理者是皆有力之家何庸議賞臣見其查察精細分晰明白隨將所稟辦理之處飛札各道府州一體實心辦理在案臣思賑濟原以恤貧非以繼富況此項葺屋之費尤爲我皇上恩外之恩但當使貧者一夫不遺原不必令富者

盡人徧及其應給葺屋之費惟最重之郟城沂州等數處或有數千戶其餘不過千餘戶及數百戶而止以一兩五錢計算約畧不過賞銀八九萬兩今撫臣欲行徧給而將凡係倒屋之家分爲三等概議賑銀則需銀四五十萬不止實不免失之太濫我

皇上保民若赤一聞東省被水卽

沛恩綸發帑發粟并將例不蠲免之漕糧特予免徵固不惜此數十萬帑金但以賑濟之洪恩而濫及於有力之富戶臣竊以爲措施未當也至

撫臣賑穀議內以高地有收窪地有穗可割請將倉穀先行平糶其應賑倉穀攤作四箇月散給陸續接濟等語更屬未協夫平糶止可及於有錢糶買之戶而不能及於束手無措之人今若以前項有可割收原不待賑之家而因此槩行緩賑致使嗷嗷待哺之窮民不得早沾聖澤似非所以仰體

皇仁而下恤民瘼也且貧民一家數口老弱強壯不等若將口糧一時給領則貧民卽可從長計議老弱者安居粒食少壯者別爲營運今攤作四月散給

往返領賑貧民既多守候之艱陸續給散胥役更滋措索之弊且散穀散票多一次卽多一次之事

皇上遣官賑濟畿輔地方特頒

上諭將三箇月口糧通計給發此誠

聖明洞鑒

睿慮周詳今東省賑穀臣愚以爲應照直隸通計給發之爲妥便總因撫臣誤認凡被水者俱應銀穀竝賑故有銀分三等穀攤四月之議以致賑銀失之太濫賑穀失之太緩查撫臣前已令查賑道員上

貧給銀一兩次貧給銀六錢下貧給銀四錢今又

不分有力無力一槩給與葺屋之費上貧一兩五

錢次貧一兩又次貧五錢其如何爲上貧如何爲

奏中貧下貧究未分析明白查賑之員更無所適從

望特且現今查造賑銀之戶止係極貧一項今旣分爲

奏上中下三等則賑銀之戶又須另行查添矣緣撫

皇恩臣奏摺內有與臣商酌施行之語臣不敢不將前

後商酌不同之處據實奏明

皇奏明惟是救災務速東省被水窮黎同煎查之數恩綸屢沛而賑事迄今尚無就緒臣徒有勞心焦思而

恩餘遠在豫省鞭長莫及賑務重大可否仰懇慈恩而
皇去天恩遣賢能大員星馳赴東督同原查之道府
等官速為斟酌散賑俾被水窮黎均得早沐

皇恩頂感無既矣臣不揣冒昧行併陳且不煩不詳前
上奏是否有當伏候題賜之可也計蘇貧一節今猶未為
聖裁謹與今查數題題之可也計蘇貧一節今猶未為
府奏中貧不貧未查題之可也計蘇貧一節今猶未為
從來賑災如拯溺救焚曷容稍緩所奏是已

矣 不伏前代無代一藥餘與葺屋之費

貧餘題一兩六貧餘題六錢不貧餘



